

X DEMOCRACY REPORT

MAY 2013

Special Briefing Paper No. 5

I Nangula Shejavali

Onḁekasaneno no Porotika Kongotue Yovivarero



Meḁe yomihingo viarue vio kuhina onḁekasaneno, o Namibia rina omakuruhungi omare wokuhina onḁekasaneno pokati kovakazendu novarumendu ndjaa itunduuzua iyohuurire, ombazu, ongamburiro youkriste nombangu yotjivara. Pendje nomahungameno iyo mbangu yotjivara, ozoveta zohuurire nombangu yotjivara aazetjiti ombangu noho kovakazendu nozoveta zoundu nozombazu ndaazetja ovakazendu ovanatje. Ndinondi ozombura o 23 kombunda yongutukiro, ovakazendu ngunda veri kongotue mokurituapo moporotika, mongorongova namo mauyara woundu nandarire kutja mozoveta ondundu nḁeripo nḁevepa omasa tjimuna ingo yovarumendu. Orapota yorutu rOmihoko Omikutasane nduna otjiḁa nomekurisiro womundu yo 2011, wina iraisa kutja o Namibia ina ondjira onde ngunda okukayenda okupuisa ondondo yaro purivarerua mouye tjikueya konḁekasaneno tjitjiri otjitarero tjonḁekasaneno pokati kovakazendu novarumendu momiano vitatu, ombandukiro, omapangiḁino na mo viungura.

Moporotika ovakazendu va Namibia vekayenda komurungu oku kuramenua po iyovarumendu- kutja omovirata viombazu, viotukondua namo ndjuwo yozoveta. Monḁunino namongorongova owo ngunda tjinene veri kehi yovarumendu nu veḁunua iyouhepe woviungura, ousiona, okuhina kuhongua, naviarue pupeḁateki ovarumendu.

Nehi rokongotue indi rombazu nekuruhungi, okuhina onḁekasaneno yovarumendu novakazendu kua tandavara mo Namibia novakazendu mbeḁizirua kehi mokutja oruveze ruao ometuwo romaterekero poo omondjuu mumuna wina okutjevera ovanatje (novarumendu) nokukuna ovikunino vio vikuria viomezumo. Ovarumendu munda imbo warue, vekayenda komurungu okuvarua kutja ovo oovatie vozondiero azehe

nomberi oviuru viomaṭundu. Omahaṅeno woviungura inga ngahaṅewa iyo tjiwaṅa otjini, ongayeta okuhina onḁekasaneno pokati kovakazendu novarumendu mo Namibia, nawina mo tjitamba tjomananeno wotjiporotika nondiero mutjo. Owaṭjiri omahuwiro weṅi inga ongetjita kutja ovarumendu mouṅa auhe wokombanda arire mbazerua nu ovavarekua vovakazendu moporotika veraisiwa ayo “kavena omazenge okuyenena poo kaveyenene povarumendu” mo maunguriro wao nandarire puvakara nondopeno.

Okuza kongutukiro o Namibia rakara nozondambo ozongoto mokunjomona ousemba wovakazendu. E Artikeri 10 rOngundeveta ya Namibia ritja ovandu avehe maveṭeki momeho woveta nu ritjayera ombangu yokutja oove omurumendu poo omukazendu. E Artikeri o 23 riyenda komurungu motjiṅa ihi mokutja rituapo omapanginiṅo wovakazendu otjovadu mbaseerue kombunda. Munao ritja nai: Momatuiiro momaunguriro woveta nomihunga novitjitia otja tjiperipurirua iye Artikeri rokehi (2) raindi, mapeyandjerua okutara kokutja ovakazendu mo Namibia kohapo vakara mondjuriro yombangu yapeke nu munao otjimavehepa okupewa omasa no ku tunduuziwa kutja vekare norupa okuura, nduṭeki norupue mo muiṅo kutja omoporotika, monḁunino, mongorongova na mo mbazu.

Mombii indji ohoromende ya Namibia yaaruka po noruvara ruayo kousemba wovakazendu no kutja vekuramenenupeo naituapo,aitua omunue kembo naiyauza ozoveta, ozonḁuvasaneno no mazeva omengi. Omihunga tjimuna Omuhunga wOtjiwaṅa wOnḁekasaneno, Omatuiiro mOmaunguriro wOmuhunga wOnḁekasaneno no ma yauziro wOngutiro ya SADC yOnḁekasaneno nOmekurisiro, imbi avihe otjiraisiro tjokutja mourizemburuka o Namibia reriandjera komakuramenenupeo wovakazendu mounane nomananeno ngeṭeki nu ngehina ohendi nawina mozongarero zarue. Posi mowaṭjiri ehi ngunda rina ondjira onde okukawondja okukavaza imbi mbiheperua po nokuyeneneka oruveze muviasere okuuriṅa oro kureriandjera mozoveta nḁaheewa.

Ohepero yovakazendu oku kuramenuapo pupeṭa poo pupapuire mondjuwo yozoveta mena rokutja onduṅgiro youyara katjiṅa otjikamburua ondjimbrahi. Mowaṭjiri mo ku raisa ohepero indji, orutu rouye rombatero youyara nomatoororero rumuna nai “omekurisiro worutuu kangamua roporotika mumuhina omaurizemburuka, omaumune nondjiviro yaimba mbaṭunua, ovandu kanaa vekara mo nongamburiro. Orutu indui komurungu marumunu kutja omakarero worupa wovakazendu momananeno otjiṅa tjoṭjikoro mouyara auhe mena rokutja “ondimua youyara auhe nongunḁe yomausemba womundu, mumuna omayandjero nomaungurisiro wousemba woporotika wovarumendu nawina ovakazendu.”

Omatjangua inga maye konḁonona ongarero ya Namibia tjikueya konḁekasaneno nomamaneno- tjinene kovakazendu oku kuramenuapo mondjuwo yozoveta, nu ayeriyama komurungu okuhina okutara kovivarero uriri nunguari okukonḁonona ongondoroka nomamemeno wozoveta nawina omatokero ovakazendu nguvemuna moporotika, ongaro nondando yovihungiriro mondjuwo yozoveta, omuano ovira mbiviasere okuyandja ohambuarakaṅa kokuyeta onḁekasaneno moporotika, nu wina mayeyandja onduṅge kutja pasere okutjitia tjiṅe kutja pekare onḁekasaneno.

Orupare rOmuhunga nOmazeva

Otja kowingi womihunga nozonduvasaneno ohoromende ya Namibia nduya tua momaunguriro, aituako omunue kembo poo aiyaṅa, onghukiro kutja pena omeriyandjero mourizemburuka okuyera otjivarero tjovakuramenenepo wovakanzeno moporitika mo Namibia. Pendje nomihunga via Namibia orini, pena Onḁuvasaneno ya SADC ndjitiṅa otjivarero tjovakazendu novarumendu mo ku kuremenuapo mo porotika kuasere okuya komurungu wombura indji o 2015 oro mapeya nduri orutuu orukahuke motjiṅa ihi motutuu atuhe. Ohoromende-ndja yaṅa Onḁuvasaneno indji mo 2008- povikando peke peke yaraisa omeriyandjero wayo kozondando zOnḁuvasaneno indji. Mowaṭjiri, membo romautiro re kOmatuiiro Momaunguriro wOnḁekasaneno, Operesidenda Hifikepunye Pohamba nomutongatima maraisa kutja “O Namibia ehi etenga okuyakura omuhunga nawina omatuiiro momaunguriro wondiero ndjatjama nOnḁuvasaneno yo SADC yOnḁekasaneno nOmekurisiro.” Komurungu maraisa Onḁuvasaneno indji “otjo rutuu rouyenda wo rukondua ruo kehi okuyeta onḁekasaneno”, naweza ko kutja “otjo tjiwaṅa tuasere okukondja kutja itji tjitjite noku tua momuhunga umue ozondiero zetu okuyeneneka ozondando inda.”

Onḁuvasaneno yo SADC mowaṭjiri ikuta kumue kaatjondumba yomatjangua ngeripo nai omahi ouṅepo wayo kuwatuako omunue kembo. Muto muna Oruyano rua Beijing Nondongamo yOndjito; Onḁuvasaneno yOmayandekero wa Kangamua Osaneno yOmbangu kOvakazendu nawina Onḁuvasaneno yarue yomeṅe; Nozondando Zomekurisiro Zeserewondo. Oviraisiro mbiri kehi imba maviraisa ousupi ozonḁuvasaneno zotjikoro, omihunga nozongutiro ndjatjama komakuramenenupeo wovakazendu moporotika o Namibia kureriandjera nowo maye kongorerua iyo makamburiro omasupi wOmuhunga wOtjiwaṅa wOnḁekasaneno, Ondiero yOmatuiiro mOmaunguriro wOnḁekasaneno nOnḁuvasaneno yo SADC yOnḁekasaneno nOmekurisiro.

Otjirei 1: Omihunga nomazeva ngatjama nondekasaneno ousupi

Omihunga viotjiwaṅa mbiakutua kondekasaneno	Ombura yomunue kemo	Oveta/nomihunga ohongora	Oviṅenge otjipaturure ohunga nomakuramenupepo wondekasaneno moporotika nozondiero	Omakutiro/nozonḡuvasaneno zouye nḡatjama nondekasaneno o Namibia kuratuako omunue kemo
Ondando yo 2030 Noviungura viOmekurisiro Viotjiwaṅa	2010	Omuhunga wOtjiwaṅa wOndekasaneno (mbuayarukirua)	Okuyerurura omakarero worupa wovakazendu pozondondo azehe zozondiero nokuyandja oruvara kovakazendu momaneno noviṭo viovondiero	<ul style="list-style-type: none"> § Oruyano ruo SADC Monḡekasaneno nOmekurisiro nOtjiweziwa kuro Tjomatjurururo wOtjitandi Kovakazendu Novanatje § Oruyano rua Beijing Nondongamo yOndjito § Onḡuvasaneno yOmayandekero wOmbangu Kangamua Osaneno kOvakazendu (CEDAW, 1997) Nonḡuvasaneno yOmeṅe yayo otjakouvange wouṅepo kuwo ouni
Oveta yOndekasaneno yOvakupasane (1996)	2011	Orutuu Rotjiwaṅa Rotjiungura Tjondekasaneno	Okutunga omasorero, omekurisiro wondjiviro yokuungura, okuyandja otjihorera nomatunduuziro wongambururo yovakazendu mberi mondjuwo yozoveta notuveze tuarue tuotjiungura tjohoromende; omakuramenenupepo motupa atuhe tuoviungura viovohoromende	<ul style="list-style-type: none"> § Ozondando Zomekursirio Zeserewondo § Onḡuvasaneno yOumausemba Womatje (1990) § Onḡuvasaneno yOrutuu rua Africa Romausemba Womundu Novandu ohunga Nomausemba Wovakazendu mo Africa (2003) § Onḡuvasaneno yOmihoko Omikutasane ohunga Nomauhazendu okururuma omikoka viomahi, 2000 (UNTOC) Nonḡuvasaneno yOkutjurura, Okuporinḡa nOkuvera Omarandisiro wOvandu, tjinene nene ovakazendu nOvanatje ngetjiekua Otjonḡuvasaneno ya Palermo
Oveta yOmauhonapare wOmbazu (1995)	2008	Onḡuvasaneno yo SADC yOndekasaneno Nomekurisiro	Ozoperesende o 50 mo moviṭo viovondiero mohoromende namombirivate, okambineta, ondjuwo yozoveta, oviombangururo ovirata avihe oviyapure nozokomusara mumuna otutu tuomausemba womundu, otutu tuovature, otutu tuomauhonapare wombazu, otuano tuovaungure, ovira vioporotika nozonganda zozombuze komurungu wo 2015	<ul style="list-style-type: none"> § Ongutiro yOtjirata tjOndjeverero tjOmihoko Omikutasane 1325 yOvakazendu, Ohange Nondjeverero (2000) § Ombongarero Youye yOrukuato Nomekurisiro (1994) § Oruyano Rouye Romausemba wOmundu (UDHR) § Onḡuvasaneno Youye yOmausemba wOvature nOporotika (ICCPR) § Onḡuvasaneno Youye yOmausemba wOngorongova. Onḡunino yOtjiwaṅa nOmbazu (ICESCR)
Oveta yOmananeno wOzongemaiḡe (1992)				

Omuhunga Omutenga wOndekasaneno wamemua nau yakurua mo 1997 nu watanderua “okupata ozondovi nḡatjitua iyongaro yokuhina ondekasaneno yorukapita veze yo monḡunino nongorongova, oporotika nombazu ndjari motjiwaṅa tja Namibia. Omuhunga mbua yarukirua wina mautara kozohaviho nḡari momihunga mbiari po mumuna “ondjiviro ohaenena mokutanaura okuhina ondekasaneno, okuhina eho etue ro kutara no ku konḡonona ovitjitua viovavarumendu novakazendu nawina omahakaeneno omangundi pokati kovanarupa no Ministeri yOndekasaneno nOmbuiro yOvanatje, otjorutu ohongora.

Nondando yoku kondja “okuwaneka nokutanaura omaumune wondekasaneno mouparanga womekurisiro” otja kOndiero yOmekurisiro wOtjiwaṅa Oitjatatu, Omuhunga wOtjiwaṅa wOndekasaneno watanda ondekasaneno nomapangiṅino wovakazendu nawina ovarumendu mo Namibia mo mekurisiro wonḡunino nongorongova, ombazu noporotika. Omuhunga utara koviṅe vio ndekasaneno otja kOusiona nOmekurisiro wOkozombanda; Omahongero nOmahupikiro; Ouveruke; Ouveruke mOmbandukiro; nOndui yEhinga nEhinga; Otjitandi tjOkuhina Ondekasaneno; Omapimbasaneno nOmapangiṅino mOngorongova; Omananeno Nondiero; Ozonganda zOzombuze;

Ongononono; Ondjivisiro nOmahaeneno; Okuti; Omatje Omukazona; Ovitjita Vioveta nOmausemba wOvandu; Ondungiro yOchange; Omayapuriro; Nomananeno wOruveze Rouzeu Nondekasaneno Metundu.

Komakuramenupe wovakazendu momananeno nozondiero zoporotika, Omuhunga utja ondando yawo ondimua oku “yerurura otjivarero tjovakuramenepo wovakazendu pozondondo azehe zozondiero, no ku yandja oruvara kovakazendu mounane nozondiero.” Munao Omuhunga otjimauyandja oruvara kondunge yOnduvasaneno yo SADC yOndekasaneno nOmekurisiro kutja ovakazendu novarumendu vasere oku kuramenu po pupeta ozoperesende o 50 kozo peresende o 50 oku kavaza ko 2015.

Komurungu maihandjaura omiano o 12 viokuyeta ondekasaneno ndjiteki yomakuramenenupe. Omiano imbi viahandjaurua kehi imba mOtjiraisiro 1:

Otjiraisiro 1: Omiano vio kuyandja omasa kondekasaneno momananeno

1. Okuyandja omasa kutja ovakazendu kozombanda vekare norupa mozondiero pozondondo zopona puveturira, morukondua na mouparanga wehi arihe nokuveisapera mondjira ovipuite vio mbazu, omahongero no vio mbutiro.
2. Okuvatera notjitamba tjimatjijandja oupupu kovakazendu wokukara norupa mozondiero nokuvetua moviina mbima vivepaturura omeho ohunga nondekasaneno nawina okuvepangina nondjiviro yokutjita, okuveraisira okutjita nokuvepa okaruveze kumake veyandjere okukara norupa neraka etue mozondiero ozonahepero.
3. Okuzikamisa orupare ndumarutungu ongamburiro yovakazendu novanatje ovakazona muwo oveni, okuvepa omasa nawina kutja verire ovatue mokuhungira.
4. Okuvirura ovitjita viombazu nomuhoko mbitunduza okuhina ondekasaneno momasa namo mozondiero pozondondo azehe. Ovazendu novarumendu maveso okuyandja omasa kondanaukiro indji momune wombazu novakazendu mberi mozondiero maveso okupeua oruvara.
5. Okuhonga ovakazendu moviina mbimavitu kominjo viao okukondja kutja owo vena ondjivisiro ndjimavehepa kutja veyenene okutoora ozondiero nondjiviro nokukara norupa nawa momananeno novitjita viondiero.
6. Okuyandja omasa nokutjita kutja omakarero norupa wovakazendu mozondiero zounane wombazu omapupu.
7. Okutjita kutja omirari omituurungirua vio ndjuwo yozoveta mbina otjina nondekasaneno okuhongera mo ounepo wondjuwo yozoveta wovakazendu nokuvepa omasa kutja veri kotjira tjine tjoporotika ovinamasa, nawina okuhupika ounepo wondjuwo yozoveta wovakazendu movinenge tjimuna okutuapo omaungirisiro wotjimariva, okutjanga ehungi, okuhungira komurungu wovandu, okuhungira kuna ovawonge vozombuze nawina okuzuvisa noku popa.

8. Okuyandja omasa komakarero norupa wovakazendu moviina viovira vioporotika nokutja ovira vioportika vizikamise omuano wondkasaneno pokainja imbui wozoperesende o 50 kozo peresende o 50 pokati kovakazendu novarumedu tjimavirongerisa otutuu tuavio tuo va varekua komatoorore.
9. Okuhonga ovakazendu ohepero yokutoorora nokuvetoka okukara norupa momatoororero.
10. Okukondja kutja ovakazendu vekare norupa mozondiero zotutu kangamua atuhe tutuna otjina nouyara, ondjeverero nokukuna ohange pozondondo azehe.
11. Okunjomona kutja ovakazendu vekutue moviina viondiero mohoromende, orupa rombirivate noro tjiwana tjovakwata.
12. Okumema no ku yandja, puna ovanarupa varue, oviungura vio kukurisa ounane nokuyandja omasa kovakazendu votjiwondo kangamua.

Omuhunga imbui wina uyandja ozondunge kaatjondumba ohunga nokusembamisa ovivatere mbumaviyandja oupupu komayenenekero wozondando zomuhunga. Mu muna okuurika o Ministeri yOndekasaneno nOmbuiro yOvanatje otjorutu ohongora nduna omeriziriro okuworonganisa noku tjevera amatuiro momaunguriro wOmuhunga wOndekasaneno; omase mbamisiro wOtjimbumbamba Otjekarere tjo Tjiwana tjOndekasaneno morukondua na mehi arihe okutua momaunguriro omuhunga, nawina okurira oruyandjandunge nomatiasaneno; omasembamisiro wOrutu rOndjuwo yOzoveta Romatiasaneno okuserura omahaeneno pokati kOndjuwo yOzoveta novanarupa varue; okuungurisa otuveze tuo kohonga mozondiero notuyandje tuo ruvara mokutjevera omaunguriro momatuiro momaunguriro wOmuhunga wOndekasaneno yOtjiwana motupa atuhe tuohoromende; nomaunguriro kumue novaza pamue nomekurisiro.

Otjiungura tjOtjiwana tja Namibia tjOndekasaneno

Otjo tjikongorere tjo Muhunga wOtjiwana wOndekasaneno, Otjiungura Tjotjiwana tja Namibia Tjondekasaneno ousupi tjihandjaura omiano, ovinjkorua, ozondambo zokomurungu, ovihape mbiatandua, orutu nduna omerizirira novitjita mbiaso kutjita, oruveze ovitjita muviaso okuyetua kotjiko nawina omasanekero wotjimariva otjiungurisiwa kovitjita poo kangamua otjimariva otji tjoziwa.

Moku mema Otjiungura ihi, o Ministeri yOndekasaneno yaungurisa Otjisanekero tjOndando yOndjito tji tja memua iyo Mberoo yo Ministeri Ondenga tji tjurika “ozongunde omurungo ohepero mOmuhunga wOtjiwana wOndekasaneno, ovinenge omurungo vio Nduvasaneno yo SADC mOndekasaneno

nawina oviñenge hamboumue vio Vakazendu vOmihoko Omikutasane katjisupi mbia paimisiwa. Munao Otjiungura ihi otji tjatuapo utupa tuturi ohonga kehi yotutu tutatu itui kehi yoviuru hambombari mbiri:

1. Onḁekasaneno nOmausemba wOmundu, Ouveruke, Ondui yEhinga nEhinga.
2. Onḁekasaneno, Ouveruke, Ondui yEhinga nEhinga.
3. Onḁekasaneno, Omahongero nOmuatje Omukazona
4. Ousiona, Omekurisiro wOkombanda nOngorongova
5. Omananeno, Ohange nOndjeverero
6. Ozonganda zozombuze, Ongonḁononeno, Ondjivisiro nOmahakaeneno
7. Omuano wOmananeno wOnḁekasaneno

Otjiungura ihi wina matjiraisa kutja ozoministeri zeḁe poo otutu tuohoromende tuḁe tu ma tukara nomerizirira notjiungura ihi nai imbi mbiatandua okunjikorua, nu mayiurike ovanarupa novazapamue kaatjondumba okuvatera.

Kehi yongunde ndjina otjina nOmananeno, ovitjitua vio tjikoro otja kOtjiungura ihi oviombi:

1. Okutunduza omayeneneno; oku kurisa ondjiviro yokuungura notjiungura tjo kuraisira ovaungure vovakazendu noviungura viokutunga nokukurisa ondondo yongamburiro yawo;
2. Okutunduza omayeneneno, oku kurisa ondjiviro yokuungura notjiungura tjo kuraisira ovaungure vovakazendu oviungura okuhungama ouḁepo wondjuwo yozoveta vovakazendu nawina ovakazendu mberi motuhindo tuohange;
3. Omakuramenenupeo vovakazendu mu kangamua otjiḁa atjihe mehupo rotjiwaḁa: ouwane wotutu, ovira vio porotika no Mauhonapare wOmbazu.

Omiano nozondambo zovitjitua mbiatjitua kehi yongunde yomananeno maviraisiwa kehi imba:

Otjirei 2: Omiano viOtjiungura tjOtjiwaḁa tjOnḁekasaneno, KPIs, Ovinjikorua mbiatandua noruveze ovitjitua muviasere okuyetua kotjikoro, omananeno nozondiero.

	Omiano	Oviraise ohongora viozondambo nḁakayendua moviungura	Ovinjikorua mbiatandua	Oruveze
Ozondiero zoporotika	Okupaturura omeho vovakazendu kutja vekare norupa nokuningira ousemba wao motjiwaḁa. Oku hohiza kutjaovakazendu vekare norupa motutu tuovira vioporotika noku ningirira kutja ovira vioporotika viute omuano wongoro yokuti wozoperesende o 50/50 tjimau rongerisa otutuu tuavio Okuhitisa omapu wonḁekasaneno motutuu tuomihunga viomatoorore tuovira vioporotika	Otjivarero tjovakazendu moporotika, ozondiero noviḁo viounane (mohoromende, otutu tuopendje nohoromende, ombirivate, ohinga kohoromende nomauhonapare wombazu). Ondondo otutuu tuomatoorore tuovira vioporotika mbituna omapu wonḁekasaneno	Ozoperesende o 50 zoviḁo avihe viozondiero mohoromende nambombirivate vina ovakazendu okutuungira wina momaungurisiro wotjiungura tjokuyandja omasa kuiimba mbaseerue kombunda Okuvaza o 2014 otutuu tuomatoorore atuhe tuovira vioporotika matuso kutja tuna oviñenge vionḁekasaneno	2012-2014
Omananeno wotutu tuohoromende	Okukondja omakuramenenupeo motutu tuozondiero morukondua namo zongomainde Okukondja omakuramenenupeo vovakazendu pozondondo azehe zozondiero mohoromende.	Okuyerurura otjivarero tjovakazendu moviḁo viokombanda movirata vio rukondua, ongomainde nondjuwo yozoveta Okuyerurura otjivarero tjovakazendu mberi moviḁo viokombanda viomananeno mohoromende	Omakuramenenupeo nozoperesende o 50 vovakazendu moviḁo viounane oku kavaza ko 2015	2012-2014
			Omakuramenenupeo nozoperesende o 50 vovakazendu moviḁo viounane oku kavaza ko 2015	2012-2014
Ovakazendu moviḁo viokombanda motutu ohinga kohoromende	Okukondja kutja ovaakazendu vekuramenupeo mozondondo azehe zozondiero motutu ohinga kohoromende	Okuyerurura otjivarero tjovakazendu moviḁo viokombanda motutu ohinga kohoromende	Onḁekasaneno mo 2015	2012-2014

Onḍuvasaneno yo SADC yOnḍekasaneno nOmekurisiro

Onḍuvasaneno yo SADC yOnḍekasaneno nOmekurisiro itjita kutja omahi ouḅepo wo SADC- Angola, Botswana, Congo, Lesotho, Madagascar, Malawi, Mauritius, Mozambique, Namibia, South Africa, Swaziland, Tanzania, Zambia na Zimbabwe yeriandjere rukua ko zondando kaadjondumba otja tji za handjaurua motutuu peke peke tuorukondua noku kondjisa omatuuiro mo maungururo wazo momiano kangamua ovihe. Nokutuapo ovinjikorua mbiasere okutandua avihe kumue o 28 monḍekasaneno nomekurisiro, Onḍuvasaneno indji ihakahanisa omahi ouḅepo kutja yeurise omeriyandjere wawo kotutuu itui oku kavaza ko 2015.

Ohunga no mananeno, Onḍuvasaneno itja “ozoperesende o 50 zoviḵo viozondiero mohoromende namo mozonganda zombirivate, okambineta, ondjuwo yozoveta, oviombangururo, novirata oviyapure nozokomusara, mumuna wina otutu tuomausemba womundu, otjiwaḅa tjo vakuatera novature, otutu tuomauhonapare wombazu, otutu tuo vaungure, ovira vioporotika nozonganda zozombuze vina ovakazendu, noyo maitarere kutja ozoperesende inda zeurisiwa okuvaza ko 2015. Komurungu, itoka omahi ouḅepo okutuapo omazeva kutja omozoveta zomahi wawo poo omozongundeveta zawo okutjita kutja omahi inga maye riḵizire pomeriyandjere wawo kOnḍuvasaneno indji (mumuna wina ozoveta zomatororero nakomazeva wovira vioporotika), nu otjimaingire kutja omazeva inga yekayende puna otukosi tuo kupaturura otjiwaḅa omeho tu ma “turaisa orusepa orunahepero pokati komakuramenuepo ngeḵeki norupa ruovakazendu moviḵo viozondiero, ouyara, omananeno omapue nomakarero mo norupa iyo vakuatera.

Mokukambura ousupi ohepero yozondando zOnḍuvasaneno indji, Epango rOnḍuvasaneno indji ritja nai:

- rikambura omeriyandjere ngatjita motutuu atuhe tuo rukondua, tuoye notuo rukondua hi okuyeneneka omazeva wokuhara onḍekasaneno
- Itunduza omazeva inga mokutara kozohaviho no kutuapo ovinjikorua mbiatandua ovinḅungua puvihiripo
- Ituara komurungu onḍekasaneno nokutjita ouḅepo auhe wo SADC kutja ukare nomerizirira nokuyandja wina orupare ro ku haḅasaḅa omaungururo omasemba semba, oruvara iyo vaza pamue no nokuyarukira omazeva inga.

O Namibia ra yauza Onḍuvasaneno indji mo 2008, nu munao otjire rikuta komeriyandjere wayo.

Omihunga mbiri momaungururo?

Ngunda omihunga momazeva ayehe ngaraisiwa imba nga memua noku tuwa ko omunue kembo iyohoromende ya Namibia ayeri

ombatero, kayena tjimayehee nokuhina otjtjita tjo kurisa ozondando inda.

Momaraisiro wayo komayarukiro wOveta yo Matoororero mo 2012, o Institute for Public Policy Research (IPPR) yatja okutara onḍekasaneno, omuano wokuhapasaḅa ovivarero vio vavarekua momatororero wongomainde pokainja pokati kovarumendu novakazendu ya yandja otjira isiro otjiwa kutja onḍekasaneno motjita tjo porotika maiyene okuyurisiwa. O IPPR ya yandja onduge yokutja “morutuu rotjira tjo porotika momatororo wOmbongarero yOtjiwaḅa atja muhisiwa omuano imbui wongoro yokuti kombunda yomu kazendu auhe puma pekongore omurumendu okutjita kutja orutuu indui rukare nozoperesende o 50 zovakazendu nozoperesende o 50 zovarumendu. Momatororero inga wotukondua wo mutenga ngurira omutaare erike, ovira viasere okutiewa kutja viurike otjivarero tjo harive tjo vakazendu.”

Otjirata tjo Matungururo nOmekurisiro wOveta otjini tjiyandja ozondunge kaatjondumba kombunda yomatiasaneno ohunga novinḅenge vio matororero ngari ko momatiro wo 2012. Imue yozondunge inda porue yatara komakuramenuepo wovakazendu (Tara kOtjira isiro 2) nai iningire kutja otjivarero tjo vakazendu tjiyeruruke “moviḵo avihe mbiatjama koviungura viomatororo”; omatarero wo Ministeri yOmananeno wOtukondua kombungurua veta yo 50/50 yatjama kOhoromende yOtukondua, Otjirata tjo Tjiwaḅa nOmakuramenuepo pondondo yongomainde,” – Otjirata tjo Matungururo wOveta tji tja mena rokutja ihi otjina tji matjiwire pendje nomasa wOveta yOmatore; nu – otja komaraisiro wo IPPR- omaungururo womuano “wongoro yokuti” mokuurika ovavarekua komatororo wotjiwaḅa nozongomainde.

Mehungi kuna o IPPR, o Ministeri yOnḍekasaneno, Rosalia Nghidinwa, watja eye unongambururo kutja o Namibia riri kovipato okuyeneneka ozondando komurungu wo 2015 “nandarire kutja amatokero mondjira”. Waweza ko kutja o Ministeri ye yari motjiungura tjo ku rongerisa omaraisiro ko Kambineta kotjihungiruro otjipaturuke, nu munao otjiyari momatiasaneno wo ko murungu no zo ministeri zarue ohongora tji muna yOmananeno wOtukondua (oyo ndjitevera omananeno wotukondua nozongomainde) oku kondja kutja okuyeta omahitaneno nOnḍuvasaneno yo SADC, Omuhunga wOtjiwaḅa wOnḍekasaneno nozoveta zarue ndepaha omakuramenuepo ngeḵeki.

OVIVARERO VITJAVI? OZONDAMBO ZA NAMIBIA MONḌEKASASANENO

Nandarire motjivarero tjo vakazendu ozoperesende o 51 notjovarumendu o 49, ngunda akuasewa ozombura mbari okuvaza ko 2015, ndjiri ombura Onḍuvasaneno yo SADC

Otjiraisiro 2: Ozondunge ohunga nomakuramenupepo yovakazendu komatungururiri woveta okuza kOtjirata tjOmatungururiri nOmekurisiro wOveta.

Mombepo yotjihungiriro tjo ma tungururiri nomayarukiro wOveta yOmatoorore, ondekasaneno yasere okupaheua moviŋo avihe mbiatjama koviungura viomatoororero, okuza kondondo yokehi kehi nganduu koyo kombanda mbanda kutja omotjihavero tjopokati koruveze poo otjkarere, kutja ozo komusara (zo tjirata tjomatoororero, tjo Mananeno womikoka viotukondua), ouŋepo wozo komiti zo kuurika poo ovaungure poo ovakuramenepo vo porotika pondondo yongomainde, orukondua notjiwaŋa kutja ovatoororua poo ovaurikua.

O Ministeri yOmananeno wOtukondua nOzongomainde, Omakeuzikiro wOmaha nOmekurisiro wOkozombanda yasere okupewa otjiungura tjoku ripurira kozondunge zo mbungurua veta yo 50/50 yo Horomende yOrukondua, Otjirata tjo Tjiwaŋa nOmakuramenupepo pOngomainde. Okuripurira ko ingui kuri pendje nOveta yOmatoorore.

Ombungurua Veta yo 50/50 ndjahohiziwa iyo Namibian Manifesto Network nai tjangua iyo Legal Assistance Centre (LAC) kuasere okuripurira kutja peye ituwe momaunguriri tjinene otja tjimaitjama komapu woharive otja tjiyeri mOveta yOmatoororero. Ondando yOmbungurua Veta indji okuyeta ondekasaneno mOmbongarero yOtjiwaŋa, Otjirata tjo Tjiwaŋa, Ovirata vio Rukondua nOvirata vio zo Ngomainde. Ondunge yarue wina ndjayandjua okoo kutja omatoororero ayehe wongomainde moruyaveze yasere oku kaenda komurungu okutjitua otja kotjira tjo porotika (orutu poo ehika), orutuu (omatoororero nandarire wovira oviŋiti) nokutja otutuu tukare nondekasaneno. Ndoovazu ondunge indji yayakurua, aihe poo orupa ruayo, oyo maitjiti kutja peyetue ondaukiro kOveta yOvirata vio Tukondua, Oveta yOvirata vio Ngomainde, Oveta yOmatoororero nu mapeya wina kOngundeveta.

Omuano “wongoro yokuti” wokuurika ovavarekua komatoorore pondondo yotjiwaŋa nongomainde wasere okurisiwa oveta. Ndoovazu omuvarekua nguri porutuu omurumendu, ngume mukongore kutja wasere okurira omukazendu na nao.

Ombepo ndjaa ihingi oruveze romatiasaneno yari okukongorera Onduvasaneno yo SADC yOndekasaneno nOmekurisiro, e Artikeri o 12, ndiŋunisa omakuramenenupepo wondekasaneno omakohoke motutu atuhe tuo ma toororero nondando yo kuyeneneka ozoperesende o 50/50 okuvaza ko 2015. Munao otjipena omairo kumue ko makuramenenupepo omakohoke na wina oruveze tjingero kokutja ovavarekua Vombongarero yo Tjiwaŋa, Ovirata vio Rukondua nOvirata vio Ngomainde rutenga vasere okutarewa kutja hapo pendje nokurira ovakazendu poo ovarumendu ovo moviŋenge viarue wayenene kutja otjingi tjova varekua imba ovakazendu.

O Namibia ngunda riri orupa romahi inga ngatua omunue kembo kozoveta zouye ndena otjiŋa noma kuramenenupepo yondekasaneno nu ayasere okuriwisa kehi yozoveta inda kehi ye Artikeri 144 rOngundeveta ya Namibia, ovira vio porotika maviso okupandera kondekasaneno o Namibia otja tjima riundjirua ko okutjita.

yOndekasaneno muyasere kutja yatuwa momaunguriri, nawina omihunga mbi tuapo otjihorera komahi warue morukondua namouye auhe mouparanga wawo, o Namibia ngunda kariyatanana ozoperesende o 30 zovakazendu kutja omOmbongarero yOtjiwaŋa poo Otjirata tjOtjiwaŋa. Mowatjiri otjihamise kutja o Namibia rayaruka ombunda moma kuramenupepo wovakazendu tjinga omatjangua mozombuze peke peke oure wozombura kaatjondumba ndakapita ndaraise ongendo ohunga nomahenunukiro wovivarero imbi. Nai ovandu ozoperesende o 22 uriri zouŋepo ooutoorore mOmbongarero yOtjiwaŋa omberi ovakazendu- okuza kozoperesende o 30 mOmbongarero yOtjiwaŋa oitjatatu noitjaine. Motjirata tjOtjiwaŋa, hambombari uriri wouŋepo o 26 (ozoperesende o 27) omberi ovakazendu; nu mOkambineta ovakazendu ivetano uriri wouŋepo o 26 (ozoperesende o 19).

Mo 2011, o The Namibiana yatuapo nguari o Ministera yOndekasaneno, Doreen Sioka, aatja “Ehi retu rauta nawa posi omakarumenenupepo wovakazendu mondjuwo yozoveta yayaruka kehi kozoperesende o 20.” Nandarire momayarukiro ombunda inga, Sioka wakara nomaundjiro natja “mbina omaundjiro kutja matuyenene okuvaza ozoperesende o 50 zomakuramenenupepo wovakazendu mondjuwo yozoveta notutu tuarue tuotjiwaŋa okuvaza ko 2015.”

Otjirei kehi ihi matjiraisa ozoperesende zovakazendu pozondondo peke peke zotutu tuotjiwaŋa mo Namibia.

Otjireri 3: Ovanaviŋo mozombero mo Namibia

Omeroo	Ouŋepo/ Ozorata	Otjivarero tjovakazendu	Ozoperesende zovakazendu
Otjirata tjOrukondua	107	13	12%
Ouŋepo wOtjirata tjOtjiwaŋa	26	7	27%
Ouŋepo wOmbongarero yOtjiwaŋa	78	19	24%
Okambineta	26	5	19%
Ozongooneya	13	3	23%
Ongomainde	323	135	42%
Ovaŋize vovihuro	30	8	27%

Ombongarero yOtjiwaŋa

Ngunda o Namibia ara raisa omekuriri wotjikoro motjivarero tjovakazendu okuza kOzombongarero zOtjiwaŋa ondenga nganduu koitjatatu, otjivarero ihi tjahenunuka okuza kozoperesende o 28 mo 2000-2005 nganduu kozoperesende o 22 nai. Mouŋepo o 78 mOmbongarero yOtjiwaŋa, o 19 uriri ombuuri ovakazendu. Komurungu, mu hamboumue wouŋepo mbuazikua iyo Operesidenda momatoororero ngazuko, uvari uriri omberi ovakazendu.

Otiirei 4: Otiivarero tiovakazendu vovira peke peke mOmbongarero yOtiwanga oure wozombura

Ombura	Otjira	Otiivarero tiovihavero	Ovarumendu	Ovakazendu	% Zovakazendu mondjuwo yozoveta
Ombongarero yOtiwanga 1 (1990 - 1995)	Swapo	41 + 6	43	4	6.4%
	DTA	21	20	1	
	UDF	4	4	0	
	ACN	3	3	0	
	NNF	1	1	0	
	FCN	1	1	0	
	NPF	1	1	0	
	TOTAL	78	73	5	
Ombongarero yOtiwanga 2 (1995 - 2000)	Swapo	53 + 6	47	12	17.9%
	DTA	15	13	2	
	UDF	2	2	0	
	DCN	1	1	0	
	MAG	1	1	0	
	TOTAL	78	64	14	
Ombongarero yOtiwanga 3 (2000 - 2005)	Swapo	55 + 6	45	16	28.2%
	DTA	7	5	2	
	COD	7	4	3	
	UDF	2	1	1	
	MAG	1	1	0	
	TOTAL	78	56	22	
Ombongarero yOtiwanga 4 (2005 - 2010)	Swapo	55 + 6	43	18	26.9%
	DTA	4	4	0	
	COD	5	3	2	
	UDF	3	2	1	
	NUDO	3	3	0	
	MAG	1	1	0	
	RP	1	1	0	
	TOTAL	78	57	21	
Ombongarero yOtiwanga 5 (2010 - 2015)	Swapo	54 + 6	42	18	24.4%
	RDP	8	7	1	
	DTA	2	2	0	
	COD	1	1	0	
	UDF	2	2	0	
	NUDO	2	2	0	
	RP	1	1	0	
	APP	1	1	0	
	Swanu	1	1	0	
	TOTAL	78	59	19	

Otjirei otjitjaine matjiraisa otjivarero tjovakazendu novarumendu mOmbongarero yOtjotjiwaṅa oure wozombura. Movivarero imbi muna ouṅepo imbo hamboumumbuhatoorora mbuurikua iyOperesidenda, nu maviraisa ovivarero/nozoperesende zovarumendu novakazendu pomautiro wa kangamua ondjuwo yozoveta (okutja kavina kuraisa ondanaukiro ndjekarapo mozombura azehe ndano).

Otjirata Tjotjiwaṅa

Omakuramenupepo wovakazendu mOtjirata Tjotjiwaṅa yahanda poṅa pemue okuza ko 2004 nouṅepo hambombari uriri wovakazendu mouṅepo auhe kumue o 26 (ozoperesende 26.9). Indji ombuiro okuza kokaṅepo kemue komukazendu uriri mOtjirata Tjotjiwaṅa tjo 1992-1998 posi maviraisa kutja ngunda pena ondjira okukayendua kutja pekare ovakazendu varue noho mOtjirata Tjotjiwaṅa.

Omatoororero wouṅepo okuza kOvirata Viorukondua okuyenda kOtjirata Tjotjiwaṅa okehi yOveta yOvirata Viorukondua, ndjiwira kehi yOministeri yOmananeno wOtukondua. Oveta indji kaina puiitamuna onḁekasanano mOvirata Viorukondua nOtjirata Tjotjiwaṅa nu kaitua po otjivarero tjovakazendu novarumendu mbasere okuhaama muvio, omirari poo orutjato rokukondja kutja pekare otjivarero tjitjitei tjovakazendu novarumendu movirata imbi.

Ohepero okutjiwa kutja otjivarero tjovakazendu mOtjirata Tjotjiwaṅa (ozoperesende 26.9) okombanda yaitji tjovakazendu Movirata Viorukondua avihe kumue (ozoperesende o 12) tjitjiri otjiraisiro tjokutja ovakazendu moviṅo imbi varaisa ounane wawo mokukondja kutja vetooroue mOtjirata Tjotjiwaṅa.

Otjirei otjitjatano matjiraisa ovivarero viovakazendu novarumendu mOtjirata Tjotjiwaṅa oure wozombura okuza kongutukiro.

Ovirata Viorukondua

Oveta yOvirata Viorukondua kaina puiitamuna onḁekasanano movirata o 13, nu ozoperesende 12 uriri zozorata azehe zotukondua o 107 omberi ovakazendu. Omatoorore inga womundu omutenga erike okurira omutaare ngeungurisiwa okutoorora ozorata kautjiti omatoororero wovakazendu movirata imbi oupupu. Omatoororero inga omuano wamotoororero wovengi tjinene ngeungurisiwa moutukondua womundu umue omuvarekua nguamunu omaraka omengi povakua aeri ngurira

Otjirei 5: Otjivarero tjovakazendu mOtjirata Tjotjiwaṅa tjovira peke peke oure wozombura

Ombura	Otjira	Ovihavero avihe kumue	Ovarumendu	Ovakazendu	% Zovakazendu mondjuwo yozoveta
Otjirata Tjotjiwaṅa 1	Swapo	18	17	1	3.8%
	DTA	8	8	0	
	TOTAL	26	25	1	
Otjirata Tjotjiwaṅa 2	Swapo	24	22	2	7.6%
	DTA	1	1	0	
	UDF	1	1	0	
	TOTAL	26	24	2	
Otjirata Tjotjiwaṅa 3	Swapo	24	18	6	26.9%
	DTA	1	1	0	
	UDF	1	0	1	
	TOTAL	26	19	7	
Otjirata Tjotjiwaṅa 4	Swapo	24	17	7	26.9%
	DTA	1	1	0	
	UDF	1	1	0	
	TOTAL	26	19	7	

omutaare. Momatoororero wovirata viorukondua “oveta itja omuvarekua maso kuyandjerua okurira okaṅepo kehi yezeva o 6 rOveta yOvirata Viorukondua yo 1992, maurikue otjokaṅepo kotjira iyotjira tjo; poo maurikue otjokaṅepo okerikuramene nu mapewe oruvara iyovandu tjeri ovaṅiṅi mberitjangisa kokutoorora mokuarukondua komatoororero mumapahere okutooroua mbeheri kehi yesere (100).”

Ovakonḁonone vepaṅasanisa kutja omuano womatoororero womutaare umue “ohapoyetjita kutja ovakazendu vekuramenupepo kehi tjinene mo Africa kehi komanene” nandarire mozongondjero zovira tjiva (tjimuna o Swapo, CoD no Nudo) kuwo ovini mbiahitisa otjivarero tjo 50/50 tjovakazendu novarumendu motutuu tuao tuomatoororero. Lebeau na Dima (2005) mavetja “Pamunika ouzeu tjinene okutua momaunguriro otjivarero tjo po kainja mokuurika ovavarekua momuano womatoororero inga womutenga omutaare mokutoorora Ovirata Viorukondua okusasaneka nomuano womatoororero imbo warue ovira oviṅiṅi wina puviyenena okukara novakuramenepo movirata nandarire mouṅiṅi wavio motjivarero tjinene momatoororero wovirata vio ngomainde; nu pendje na nao noho ovatoorore (mumuna ovakazendu) potuingi kavetoorora ovavarekua vovakazendu pu imbo vovavumendu. Orutu indui o International IDEA rutja omunao womatoororero imbui “kawuungurirue pupetapi momatoorore wovakazendu.” Ouhato mo Namibia uraisa kutja ovakazendu veungura nawa tjinene momuano womatoorore inga ngeyandjera ovira oviṅiṅi tjinene inga wOmbongarero yOtjiwaṅa novirata viongomainde kombanda yaindi tjiveungura

momatoorore inga womutenga ngurira omutaare erike. Otjiungura itji o ACE tjingetjo tjitja “Ouhatoi mouparanga wouye uraisa kutja ovakazendu kapeya avetoororua kehi yomuano womatoorore imbui womutenga ngurira omutaare kourike we omuini okusasaneke nomuano imbui owarue ovira ovingi mbina orupa

momatoore muvimuna ovihavero ndandarire mouṭiti wawio motjivara namoruvara. Omatuuiro momaunguriro womirari vio kutunduuza imba mbaseerue kombunda momuano womatoororero inga womutenga omutaare otjina tjitjiyandja ouzeu tjinene posi katjina tjitjihina okuyenenua okutjitua.

Otjiraisiro 3: Ouwa nOuvi wOmuano w Omatoororero wOmutenga Pomukoka

Ouwa

- § Omupupu okuuzuva nu munao wina kaukosa otjimariva otjingi okuunana nu kauhumbu ovandu mbehavara.
- § Kaukambura orure okuvara omaraka ayehe nokutiwa kutja omutaare ouṅe, pu ma pehee kutja ovicarero maviyenene okutjukisiwa ozoiri kotjike kombunda yomatoororero tjiyazu nokupata.
- § Omutoorore mayenene okuraisa oumune we kutja otjira tjine eye tjimamunu kutja tjasere okusembamisa ohoromende ndjimaiya.
- § Yeyenena okusembamisa omuano wovira vivari owo wina mbuyenena okusembamisa ozohoromende zotjira tjimue, ndji hina ohepero yoruvara vio vira viarue okumema oveta.
- § Iyandja omasa komihunga omiparanga vio pokati.

Nouvi

- § Ovakuramenepo veyenena okutoororua noruvara oruṭiti rotjiwana mena rokutja kapena kunatja kutja vataara pupetapi okoo kutja vamunu omaraka omengi povaurikua ovakua.
- § Yetoka okutoorora nongekezero, mena ro kutja ovatoorore kavetoorora omuvarekua ngumavevanga tjinene posi wina verurupara omaraka wao komuvarekua nguehina kuvanga tjinene.
- § Omuano womatoororero womutenga pomukoka umorosa omaraka mena rokutja omaraka ngayandjua mokuarukondua komatoororero kaimba mbapandjara, poo womutaare nga kapita inga ngumahepa okutaara otjihavero, kayeverua.
- § Omuano imbui wina utjayera ouvange womutoorore. Ovira ozombuaneno womaumune peke peke. Ndoovazu omuvarekua omuzerua mokuarukondua komatoorore koye una omaumune ove kuuhino okuutavera, ove kona omuano wokuraisa nao nokutoorora.
- § Pendje nokuhaṅa ovihavero otja koruvara, Omuano imbui uvatera imba mbeni oruvara nandarire kutja opuwo vena omaraka ngayenene okutaara kangamua okarukondua. Munao okupandjara omaraka o 4000 mokuarukondua kemue mayenene okurira onduge ombua ove ndoovazu wayenene okumuna omaraka o 400 mokuarukondua karue. Movira ovititi ihi tjiungura monḡero vaimba mbeni oruvara mondivitivi.
- § Moutukondua katiti outiti, omuano omukoka mbuukondua mauyenene okutuna nomasa kovivarero viomatoororero mbuyenena okutoka omananeno womikoka mombuiro yotjira tjimue poo tjarue.
- § Outukondua outiti tjingetjo utuara kenyangato rovihavero oviyapuke otjira tjimue pu tjihonaparera kangamua omatoororero. Ihi katjiyeka ovatoorore vorukondua ousembe wokutoorora uriri nunguari wina utuara korukondua indui okuhina okuzemburukua momamemeno womihunga.
- § Ndoovazu otukondua otunene okuti onguza tuomatoorore kotjira tjocharive tjoportika, orukondua indui kakutja karu zembua iyo tjira ihi uriri nunguari tjingetjo ovoporotika ozombambairi okuza morukondua indui vetjitua kutja vezemo muro mumuri moyao tjima vevanga okumunikua motjira tjao ihi.
- § Mena rokutja omuano womatoororero imbui womutenga pomukoka utjayera ouvange womutoorore wokutja mavevanga omukee urikua, omakuramenepo woimba outiti motjivaro novakazendu yeṭunua “iyombepo yomuvarekua womondero yotjingi” omuvarekua nguma munika kutja onguriye ngumapeya kutja ongu ma yenene okuyandjewa kovatoorore.
- § Okuyandja omasa komuano wovira vivari mapeya arire nawa posi mombazu yovira ovingi ovira viarue mbina oruvara nduayenene mapeya avihendekua.

Otja tjiiparaisiwa morukondua rOtjirata Tjotjiwana, nandarire moma kuramenenupe uriri wo 12% mOvirata Viorukondua, ovakazendu ozoperesende o 26.9 zouṅepo wOtjirata Tjotjiwana tjitjiisa ouṅepo watjo okuza kOtjirata Tjorukondua (ouṅepo uvari okuza korukondua aruhe).

Omazikiro wozongooneya zorukondua iyo Peresidenda (otja Koveta yOvandja Nduge Vapeke Nozongooneya

ndjarundundurua mo 2010 okuyandjera omazikiro wozongooneya iyo Peresidenda) kanaa yayeta oupupu komakuramenenupe wovakazendu otjovanane vorukondua. Nandarire Operesidenda okuura ura noruvara komakuramenenupe wovakazendu mounane omaṭekasane, ozongooneya ndatu uriri mozongooneya azehe o 13 mehi eye ndazika mo 2011 nderi ovakazendu- kapena ondanaukiro okuza koruveze nduakapita ozongooneya tjaaze zikua iyivirata viotukondua ovini okuza mozorata zotukondua.

Omauhonapare wOngomainde

O Namibia maringara raungura nawa pondondo yongomainde mena romahanasaneno pokainja woviharero otja kOveta Orundurure yOmauhonapare wOngomainde, novakazendu nai vekuramenuapo nozoperesende nderi kombanda yo 40. Orupa orutjaine (4) yEkondua oritjahamboumue (6) yOveta Orundurure itja nai:

Mohepero yomatoorore kangamua ngeripurirua momatjangua o (a) yekondua rokehi o (12), kangamua orutuu rotjira marukara otjovavarekua komatoororero inga-

- (a) tjeri ko tjirata tjongomainde poo tjtjihuro tjtjina ozorata omurongo poo kehi ya nao poo otjirata tjo karongo, omana ngeheri kehi yavetatu mayeso okurira yovakazendu;
- (b) tjeri kotjirata tjtjihuro tjtjina onunepo o 11 poo kombanda ya nao, omana ngeheri kehi yayetano yasere kurira wovakazendu.

Oveta ohapo ikondja kutja tjeri ozonditi, ozoperesende o 42 zovakuramenepo ovakazendu pondondo yongomainde. Posi mena rokutja aruhe ovarumendu ombekara kombanda morutuu indui mu kangamua onunane wotjiwana, ozoperesende o 42 inda aruhe kazeurisiwa. Otjotjiri, okuurisa otjivarero ihi katjina tjtjeya nokuhina amapirurero. Membo youyenda we, Libertina Amathila matja Ombungurua Veta indji tjiyeya kotjihungiriro mOndjuwo yOzoveta, “ovazapamue tjiva ovarumendu varaisa kutja ovo verimuna otjovarumendu pupetapi mowatjiri. Ngunda avetjita ayo veyandja oruvara kotjirua tjo vakazendu, orupa rombungurua Veta indji nduaa vepirura nomasa yari indui rovivarero.”

Pendje noporotika, o Namibia ngunda rina ondjira onde okukawondja okuyeta ondekasaneno pokati kovakazendu novarumendu momakuramenenuapo mounane nozondiero pozondondo azehe mombirivate.

Ohepero okutjiwa kutja omakuramenenuapo yovakazendu moporotika naparue katjina porue ohunga novivarero. Ovakazendu kavena ohambuarakana onene okuyeta kozondiero, nowo veriraisa kutja vayenena nu wina ovanane ozombambairi nu veyeta oumune wapeke kozongendo zotjiwana. Munao amazuvira omakahu wokutja onguaye ovakazendu tjeri ohepero mozondjuwo zozoveta mayeyenene okuvertera tjiva yomapirurero ngemunikua okuza kovazapamue vawo ovarumendu, mbetira kutja maveisamewa motuveze tuawo.

Kongotue yOvivarero: Onguaye Ovazazendu tjiyasere okukara mOndjuwo yOzoveta?

Ovameme vomihunga, ovakondonone navarue ovanandero mokutja orupare romakuramenenuapo wovakazendu moporotika

yetekisiwe naingo yovarumendu potuingi yetara kovivarero uriri. Posi kakusere okutarewa kowingi uriri posi wina kondengu ovakazendu ndjiveyeta kotjitamba tjoporotika.

Momatjangua wokutja onguaye ovakazendu tjeri ohepero moporotika, Matianne Mollmann wOrutu Orutarere rOvakazendu, waraisa poruhaera omapu yevari omanahepero wondekasaneno yovakazendu novarumendu. Matja nai: “Rutenga, ohoromende tjiyaiyenda yenda amai kuramenepo otjiwana atjihe, munao wina omihunga viayo otjimapeya aviririreko omizikame. Ihi matjihee kutja kahepero porue ovakazendu okurira orupa posi wina okutandavarisa omakarero worupa inga.” Okutara ko Namibia, ihi mowatjiri matjihee kutja pendje novivarero viondekasaneno yovakazendu novarumendu, oporotika yasere okuriraisa kutja yatandavara kutja omomihoko, omotjivara, na nao. Mollmann makayenda komurungu natja omakaremo norupa wovakazendu mozondjuwo zozoveta ozohovekua novakazendu novarumendu, ohepero wina ko ku hohiza otjihungiriro ndjimatjitara kozongendo zapeke zovakazendu. Maweza ko kutja “ otjotjiri, ovoporotika ovakazendu aruhe katji vependura omapu ngeri ohepero kovakazendu, novoporika ovarumendu aruhe katji vepatera pendje ozongendo inda posi omakononono yaraisa kutja ovakazendu mbehina otjivepo tjo vakazendu aruhe kombanda yovarumendu mbehina otjivepo ihi ombeya porumue aveungurire omihunga mbimaviṭunu kovakazendu.

Oruano rozo ndjuwo rozoveta rouye mariitavere nari riamisa komurungu oumune ua Mollmanna. Momahaameno womakuramenenuapo wovakazendu mondjuwo yozoveta, oporotika novitjitia vio tjiwana pombongarero onene youye ohunga nOndekasaneno nOporotika mu Tjikukutu mo 2012, payandjua omapu yane wohepero yovakazendu okukuramenua po pupeta tjimuna ovarumendu. Otja kongendero yombongarero indji, omapu inga yakamburua otja nai:

- **Oukohoke moveta nousemba.** Omapaterero pendje nohoromende wovakazendu mehi rouyara yasere okumunika otjouhasemba. Owatjiri imbui ombu matjiti kutja epu “roukohoke moveta” enamasa. Epu indi wina mapeya ariyeta ouzeu mongarero motjiwana pokati kovakazendu novarumendu, otjotjisasanekero tjimuna momatumbiro wovanatje.
- **Otjiyandjewa:** Epu oritjavari rari kutja okuririsa ovakazendu orupa, oviyandjewa viao mbivenavio mavihandjaurua kombuiro yovira vio porotika poo kove vepe voviungura.
- **Otjivara tjarue:** Epu oritjatatu orondi ndimaritja omakuramenenuapo wovakazendu mapeya akuyandja ombuniko ombua, nu wina akutuamo ongamburiro nondengero mu kangamua orutu. Ihi otjina ohepero mena rokutja otutu tuohoromende tuasere okurira otjiritarero tjtjiwana atjihe okupenga ozohaviho mouyara. Tjimatjizu mokutja ovakazendu mavemunikua ayo vakuramenuapo otjina ombuiro mokutja matjikunu ombepo movakazendu yokutja owo vasere okuritjinda otjotjihorera.
- **Ondimua:** Epu oritjaine okoo kutja ovakazendu maveyeta po

ombangu morupare romaunguriro nawina momaunguriro worutu. Ouzeu wokuungurisa embo indi ouhara okoo kutja mapeya arihakara neheya. Mapeya ape pařasanisiwa kutja epu indi rasere okutuwapo amaritja mapeya ovakazendu aveyeta po ombangu. Kapesere okukamburua kutja otjinga peri ovakazendu maveritjindi momuano kaani poo otjaindu ovakazendu varue tjimavenga kutja ngaveritjinde. Mapeya ovakazendu aveeta ourizemburuka nozongendo zarue koruveze roviungura nandarire kutja mapeya katutu atuhe tumatuyakura otjiņa ihi.

Omakononono wouye wina yaraisa kutja “omakuramenenupeo wovakazendu pondondo yokombanda yomananeno yayeta ombangu moku paturura omeho wovandu, moku tanaura otutu tuovitjitia nawina mokutuapo oviuņe vioveta mbinongendo nonđekasaneno.” Indi epu enahepero mena rokutja moku hungirira kouheņa wovakazendu moporotika naparue, ohapo peyakurua ayo ovakazendu mbayenena kavepo, nokutja owo vehepa okuhupikua, ombango yarue, nawina omatuunduziro wondjiviro yawo yoviungura kombanda yovakuao ovarumendu. Posi ovakazendu otjovanarupa mondjuwo yozoveta mbeteki, ngunda omahupikuro nokupewa omasa kwao (nawina ovarumendu) otjotjiri aeri ohepero moku tunduza omaunguriro woporotika va Namibia omapue, okuzemburuka ohambuarakana yapeke yovakazendu va Namibia wina otjipaturure kutjo otjini.

Ovoporotika va Namibia nawina ouņepo wotjiwana avehe maveitaverasana nomengi yomaumune inga, mu momahungi kuna o IPPR, avehe vaitavere kutja ovakazendu veyeta oumune wapeke nawina oviyandjewa ovinahepero mokuungura mondarero komapu omayandjagendo kotjiwana. Mokupambarera ohepero yovakazendu moporotika, okanepo kOtjirata Tjotjiwana nOmuhaamise wOkehi wovihavero viatjo, Margaret Mensah-Williams (Swapo) waraera o IPPR kutja “ovakazendu vetanura ongaro yomahungi. Vetanura oumune. Ovakazendu veripura nomitima viawo nu kuwo ovanatje novarumendu verira ovatenga. Vetara kOmbungurua Veta nonđuno ombua kotjiwana atjihe kukuheri kozonđero zao oveni uriri.”

Selma Shilongo wotjira tjoporotika ihi o Republican Party (RP) mai kumue natja “ovakazendu vena orupa ohepero okukara nara mena rokutja ovo venotjiri nondjuriro yovararanganda vawo” nu omeriziririra inga ve ye tuaerera koviņo vio merizirira wao motjiporotika. Waweza ko kutja eye omuni otjaina, nguvanga okumuna ovanatje ve ama vekurire motjiwana “tjondjeverero” “nondjoroka” omundu auhe mumayenene okukara norupa moutumbe wa Namibia nu ihi ootjiņa tjitje munanena moporotika.

Clara Gowases wo RP wariama komurungu noumune imbui naweza ko kutja “ovakazendu vena omayeneneno wokutunga otjiwana” mena rokutja otjovakazendu venongendo “yokurira ina yotjiwana” nu munao okuyeta eho “rongendo momutima” komasotorasaneno womaoko woporotika. Wina wayendekera

kutja ovakazendu venokunatja po nowini wohoromende (nu munao mapeya okuhina okurira ovahazendu mondjindiro yowini imbui).

Okuweza ko eraka rotjiwana komaumune inga, Veronica de Klerk wo Women’s Action for Development (WAD), Orutu rOvitjitia Viomekurisiro wOvakazendu, wahandjaura kutja “ovakazendu movito avihe puveri ovanane, ovina vikayenda! Tjinene nene pondondo yongomainde. Ovakazendu veungura nomutima. Oviņa vetuara komuinjo, nu kaveombo okuungura. O Namibia rikondja nomauzeu peke peke nai, nu otjeri ohepero ovakazendu okurira orupa wokuņuna omauzeu inga.”

Momapu inga, naimbio miano viarue ovakazendu mbueyandja ohambuarakana kotjitamba tjoporitika- okuza koku kurisa ovoporitika nganduu ko ku veungurira- Ignatius Shixwameni wo Peoples Party (PP) waraisa komutima kutja ovakazendu tjiwehakarere moporotika “marire okuhina okuungurira otjiwana”. O IPPR yaweza kutja “Ngunda o Namibia kariya muna kutja kanaa riungura nokuhina ovakazendu motjipare tjoporotika nokutja veyeta onđengu onene tjinene komuinjo wondjuwo yozoveta nozondiero.”

Okuņekisa Ovivarero Pamue: Otjivaro Tjoharive Nozongoro Zokuti

Okuņekisa ovivarero pamue, omahi peke peke yatua po otjivaro tjoharive motutu tuomananeno. Otjivaro ihi tjtanderua okuyerurura omakuramenenupeo wovakazendu mounane mokukondja kutja ovakazendu “vena otjivaro tjoharive poo ozoperesende zoharive zounepo worutu, kutja omo rutuu rovavarekua, ombongarero yondjuwo yozoveta, okomiti poo ohoromende.”

Otja korapota yorutu rouye indui IDEA, “Otjivaro tjonđekasaneno tjimunikua otjo tjiņa tji tjina owatjiri okuiisira kotjihungiriro tjomapatererero wovakazendu pendje omapu omanene ngeyandjua omakuramenenupeo wovakazendu puyeri kehi airi mena yawo okupaterua pendje iyovira notutu tuarue tuoporitika mouparanga. Otjivaro tjtjita kutja omerizirira wokupaha ovavarekua ahasewa komukazendu ingo omuni kourike we nunguari yerire yaimba mbeungura notjiungura tjokupaha, rutenga nu tjinene ovira vioporotika. Otjivaro tjininikiza imba mbeurika nokutoorora okuuta okupaha ovakazendu nokuvepa oruveze owo ndinondi motupa otungi mouye tuvehinato.”

Otjivaro ihi tjiyakurua nozombepo ozohovekua posi embo rotjikoro okuza minda aviyevari wombata motjiņa ihi okoo kutja ngunda otjivaro tjoharive ama tjiyenene okutunduza omakuramenenupeo wovakazendu moporotika, mutjo otjini katjiyayenena okuyandja omasa kovakazendu mouye. Okutara kovipuite mbitjizira ovakazendu kozohiro zoporotika, pendje no

kuvetoorora uriri okurira ounepo wondjuwo yozoveta otjo tjiwova- ohepero okukondja kutja ovakazendu vekare norupa ku katjotjiri nu norupa orupame momananeno, na wina oku kondja kutja ovakua ovarumendu otjina tjivena ondengero natjo nokuvara ohambuarakana yao.

Otjiungura Tjotjivaro morapota yatjo tjiraisa kutja ngunda aeri

ouzeu okutuako otjivarero tjokutja omahi yengapi ngeurisa otjivaro tjoharive “mo 2006 ape omahi o 40 yauta notjivaro ihi momatororero wondjuwo yozoveta, kutja omo kurundurura ongundeveta poo okurundurura ozoveta zomatororero. Momahi ngeri kombanda ya 50 ovira vioporotika ovinene vieriyandjera okutuapo otjivaro mozo veta zavio ovine. Otjireri tjokehi matjiraisa ouwa nouvi wotjivaro.

Otjiraisiro 4: Ouwa nOuvi Wotjivaro (Orutu rouye indui o IDEA)

OUWA

- § Otjivaro tjoharive kovakazendu katji tjiti ombangu posi tjtuna ovipuite mbitjayera ovakazendu okukara novihavero viao vioporotika moukoho.
- § Otjivaro tjoharive tjiheya kutja pena ovakazendu kaatjondumba pamue mokomiti poo ombongarero, nu munao okuhenuuna ombameno potuingi tjikara novakazendu.
- § Ovakazendu otjovakuatera wina venousemba woku kuramenuapo pupeta.
- § Ovarumendu kanaa veyenene oku kuramenapo ozongero zovakazendu. Ovakazendu ovengi uriri ombu maveyenene okukuramenapo ovakazendu otja koupeke peke wao.
- § Omatoorore ohunga nokukuramenapo kahunga nokutja wasere okurira omuhongua oku kuramenapo.
- § Ovakazendu tjingetjo tjimuna ovarumendu wina vayenena posi omayeneno ingo wovakazendu yenjengurisiwa nokuikonapariwa mouye wotjitanya tjoporotika ovarumendu muvehonapara.
- § Otjivaro katji tjiti ombangu komurumendu kourike we. Posi tjiuapo omazeva ngetjayera kutja ovira avihatuapo ovarumendu uriri. Kovatoorore, otjitanya tjahandjauka mena rokutja nambano maveyenene okutoorora ovavarekua vovakazendu wina.
- § Ozondjakaha ndumapeya azetamburua iyo tjivaro ihi kazongarerere.
- § Ozongduvasaneno peke peke ndevarua mouye zondekasaneno yovakazendu moporotika zatuapo oviuŋe viondekasaneno mbiasere okuyeneniwa, mozongduvasaneno inga muna Onduvasaneno yOkuyandeka Kangamua Omihingo Avihe Viombangu Kovakazendu omahi o 79 nai kuyerikuta, nawina Ondongamo ya Beijing yOvitjita yo 1995.
- § Hapo otjina otjizuvakua vi kutja ovarumendu vena ozoperesende o 80 zovihavero mozondjuwo zozoveta mouye?
- § Otjivaro tjoharive matjiyenene okuvatera kotjiungura tjouyara mokujtita kutja omaurikiro yeri poruhaera notja komirari voharive.

OUVI

- § Otjivaro tjoharive matjivetasana kuna ongunde yokutja avehe vasere okuyandjerua mena rokutja ovakazendu mave nanenwa komurungu.
- § Omakuramenuepo moporotika yasere okurira ouvange pokati kozondunge nomaraisiro wotjira kayesere okurira pokati kotupa peke peke kaani motjiwana.
- § Otjivaro tjoharive katjina ouyara mena rokutja ovatoorore ombasere okutia kutja omutoororua ouŋe.
- § Otjivaro tjoharive matjipose ayo matjitja ovoporotika vetoororua mena roukaze poo ourume wavo kamena romayeneneno wao, nu munao mbumavengara vayenena veundurirua meŋe.
- § Otjivaro tjoharive tjiyeta ondjakaha motjira.
- § Otjivaro tjoharive kovakazendu matjikongorerua iyo maningira wovimbumba viarue, tjimatjititi kutja oporotika rurire orupare romakuramenuepo wozongero zovimbumba mbumba.

Mo Namibia, otjivaro tjoharive uriri tjtjiripo opondondo yongomainde, Oveta Orundurure yOumauhonare wOngomainde puitja “pupena ozorata o 12, ndeheri kehi ya ndano zasere okurira ovakazendu, nu pupena ozorata o 7 ndeheri kehi ya ndatu zasere okurira ovakazendu”, munao otjiitjita kutja ndeheri kehi yozoperesende o 42 zovakuramenepo pondondo yongomainde

verire ovakazendu. Pondondo yotjira tjoporotika, omautiro no tjivaro tjoharive nai otja kouvango wotjira otjini posi omakuramenuepo wovakazendu kutja yetanauke pondondo yotjiwana atjihe okuyeneneka omayuva wo SADC wo 2015, oveta yomatoororero yondungururiro yokutuapo otjivaro tjoharive ohepero.

Momatarero wo 2012 mogaendero ndjatitua iyo mahi wa Africa otja kOzondando Zeserewondo Zomekurisiro, Okomusara yOruano rua Africa, Okomusara yOngorongova ya Africa yOmihoko Omikutasane, Ombaanga ya Africa yOmekurisiro nOrutu rOmihoko Omikutasabe rOmekurisiro- Omberoo yaro ya Africa, tutjanga kutja: Ozongondjoro zowina zokutunduza ongaro yovakazendu norupa nomeriyandjoro wiamba vopondomba moporitika ohepero tjinene. Pendje nokuyandja ozomburo- otjimariva nozombatero- okumena nokutua momaunguriro nokuhina okuhaka ozoveta, omikambo omina hepero tjinene. Otjotjiri, ovitjitu via kuyandja omasa kuiimba mbaseerue kombunda nomazeva omakahu wongundeveta wokuungura nombangu yondekasaneno yatunduza ovito via vakazendu mo Ethiopia, Mozambique, Rwanda, South Africa, Tanzania na Uganda. Posi ovitjitu tjinuna imbi omiano via ku yeneneka ondekasaneno nomayandjoro womasa kovakazendu kangero omayandjoro. Okukuta ondekasaneno komekurisiro omakarere, o Africa rasere okutanana omakarero worupa narivaza ko “komapanginino.”

Omaumune inga ohepero mokutuna otjivaro tjoharive nomayandjoro womasa mokutunduza ovakazendu kutja vekare norupa moporitika. Otutu tune itui matumunukuja “ozongondjoro mazehepua okuteya ovipuite monjunino yotjiwana namo mbazu mbitjayera omakarero worupa iyovakazendu moporitika no mahupikiro wawo nawina notukosi tuo kutja ovakazendu maveyenene okutunduza vi ounane wawo nohamburakana kotjihungiriro tjtjiwana nozondjoro.

Okumuna ovivarero: Ovakazendu hapo veripi?

Otja tjiparaisiwa morupa nduazuko, ozongondjoro peke peke zaraisa kutja “ovakazendu tji ma verarakana ovivahero, veungura nawa tjinuna ovakua ovarumendu”. Mo Namibia, oumune imbui wapunisiwa rukuao na ruakuao iyo maunguriro wotjihorera wovakazendu peke peke ovanane moporitika mozondondo azehe zounane - kutja otjovajize vovihuro, ozorata, ozongooneya poo otjo ministera zo kambineta.

Lawless na Fox (2012) mavetja ohaviho ndjikayenda komurungu nai mondekasaneno moviune viovoveta moye omena rokutja ovakazendu kaverarakana ovihavero. Okuyendekera okuhina ombango ndjiteki moporitika, mavetja “Ovakazendu kakutja porue kaveriyandjere kokuvarekua povarumendu – okutaviza kombunda nawina komurungu- posio tjingetjo wina owo kombanda yovarumendu kana vetoora omikambo mbihepua okuuta otukosi toporitika”. Ovo vatamuna ovipenge hambombari mbitjayera ondekasaneno moporitika indu ohapo nu tjinene momatorore mozombero. Muvio tjinene vatamuna oumune movakazendu kutja otjitamba tjomatooore otjirakanua tjinene nu tjina okaheo ohunga novavarekua vovakazendu; oumune

wokutja kaveyayenena okurarakana ovito mozombero inda, ourizumburuka wokutja “mbatjarira ovavarekua vovakazendu vena omanganingani wokurarakana wokehi; ongamburiro muwo oveni yokehi; nu venondira yokombando varumendu”, nawina oumune wokutja “ovakazendu veyakura navi kangamua otjina ohunga norukosi rua kandinondi kombanda yovarumendu”.

Veronica de Klerk wo Women’s Action for Development, Orutu rOvitjitu Viomekurisiro wOvakazendu, maitavere kutja ouhepa wovakazendu moporitika omena rokutja kaverarakana okutoorua. Neye matja kaverarakana mena “rokihina ongamburiro muwo oveni nawina okuhina ondjiviro ohunga nomikambo mbihepua okutoorua okuhita moporitika”. Okuweza kepu indi, de Klerk ndimaraisa “otjouzeu katjotjiri”, ovakazendu vehungamua iyovitoke ovingi mokuhita moporitika.

O Ministera yOndekasaneno nOmburo yOvanatje, Rosialia Nghidinwa, watamuna “omuturo potuvari” mbuahungama ovakazendu otjo tjina tjtji tjayera omayerurukiro woma kuramenuepo wao mohoromende- tjtjiri otjina tjima tjihepa ombango ohapokera. Watja “ovakazendu veno viungura vivari - otjoupepo wondjuwo yovoveta notjosererekaze nawina oina pozonganda zao. Ngunda atua haama mondjuwo yovoveta, tuna omerizirira warue pozonganda, nu ihi potuingi tjtjita kutja ovakazendu avehakara norupa nave herikurisa komurungu; ngunda ovarumendu aveenda kozonganda nambeungurirua kangamua atjihe pozonganda”. Momatjangua yo Ndanda yo EU-Asia ndjiyandja oruvara kotjivaro tjoharive, Ewert wayandja ondjerera “komituro vivari” natja “Ovakazendu mbena ovanatje vehendekua nu munao mapeya otjivehina kuyenena okuvaza ondondo yoko mbanda mbanda movito. Nu noho, otjiwondo tjokuronda kombanda moviungura tjiwira moruveze ovakazendu ovengi tjivena ovanatje. Otjivaro tjoharive tjivatera mouzeu tji gee imbui. Movito vioporotika, ondjiviro yokutjita nosuverongo yotjiwana mapeya aviyeenene okutjizika ombandjarero yondjiviro oruveze romekuririso wovanatje.”

Shixwameni watamuna ovitoke vine eye mbimakambura kutja via hungama ovakazendu. Matja (1) “ovakazendu vetara koporitika otjo tjina tji tji honaparera po iyo varumendu”, nu munao otjivenondira okutoka ovarumendu motjitamba ihi; (2) ovarumendu vovakazendu mberukutu koporitika potuingi vepoporora ozosererekaze zawo okuhina okurikuta (kovira ovipirure) mondira yokutira ovivi mbimavi kongorere tjiverikutu (tjinuna okupandjara oviungura); (3) “ovakazendu vetira okupandjara ominjo viao nomburo yomatundu wavo kotjitandi tji tjama no porotika; (4) “ovakazendu veurika ovarumendu” komatororo, pendje novakazendu ovakua. Varue mbapurua varaisa ovitoke viarue tjinuna oumune mbumautja “porumue, ovarumendu kavetutuara komutima, nu veripura kutja oruveze rovakazendu ometuwo romaterekero uriri”, nawina ohepero yomahupikiro nomayandjoro womasa kovakazendu mbenombango moporitika, nawina omapaturuiro womeho ohunga nondekasaneno.

Omuhunga wOtjiwana wOndekasaneno wina uraisa ovipaturura meho ohunga novitoke ovakazendu va Namibia mbivehungama mokukara norupa outue moporotika. Mautja:

Ovitoke ohunga nondekasaneno movito viondzindiero muna ovijenge tjimuna ongamburiro yombazu ohunga norupa rovarumendu okusasaneka naindui rovakazendu mozondiero, okuhina omakarero worupa ndutei wovakazendu momatoorero, omahongero wokehi motukondua tjiva, nawina ouhena wovitjita viomayandjero womasa kovakazendu. O Namibia wina rahungamua iyovitoke kutja ovakazendu vekare norupa ndumaruhe noruna muzura mozondiero. Ovakazendu kavesere okukara novihavero ovinamasa uriri nunguari omaraka wao yasere okuzuvakua. Okuyerurura otjivarero, okumunikua nokuhonapara kovakazendu mozondiero makuhepa omahupikiro ngayenene mokutjiwa okunana okuza kounatje nawina omahupikiro omahapokera noruvara kovanane vovakazendu.

Tjiva viovitoke mbiaraisiwa kombanda imba ohunga nomaheo ovakazendu ngeve hungama, nawina omaheo kutja owo vasere okuritjanda vi. Okuyandja ondjerera komamunino worapota yOvirihongua vio Mahakaeneno ohunga nomaheo wondekasaneno nomuano ovavarekua vovakazendu novarumendu mbemunikua iyotjiwana, Potter matjanga kutja “Ovoporotika vovakazendu vahungamua iyo maheo peke peke omavi kombanda yovarumendu- omaheo omatjiukua muna inga, otjipuka otjirerua, ombate yovarumendu; omusuko otjitenda, otja kOvirihongua vio Mahakaeneno imbi. Ovakazendu voporotika vasere okukengeza nombuniko yawo kotjiwana okuhina kuvanga kutja tjapo ngaa vemunika otjovakazendu tjinene poo otjovarumendu tjinene.” Ovpurua maveitavere kutja omaundjiro wombazu kovakazendu ovihirimanise- puna ovijenge viarue viongaro novitjita viomuhoko, ongamburiro novijenge vivotuho viondekasaneno- nu vina orupa orunene ovakazendu okurhumba koporotika, nongaro yawo okuiisa ozondiero (tjinene pondondo yokombanda yomananeno) kovarumendu.

Orupa ndumarukongorere maru hungirire kotjivaro tjoharive otjomuano wokunjomona ondekasaneno mondjuwo yozoveta.

Okutua ovivarero kumue: Ondanukiro mayiutire Pondondo yOtjira

Mena rokutja oraporta indji maitara mo makuramenenupeo vovakazendu motutu otutie tuozondiero, wina ohepero okutara kutja ovira ohongora mehi viungura vi tjikueya kondekasaneno, mena rokutja okuza muvio ovakazendu ovanane muve pahewa. O Congress of Democrats momatarero oo tjira tjitja kayenda komurungu mondjuwo yozoveta mondekasaneno mena rokutja tjiungurisa omuano imbui wongoro yokuti mbutuapo omakuramenuepo wondekasaneno wo 50/50 otja pumayewire

kotjitarero tjondjinda otjikando notjikando. O National Democratic Party ya Namibia tjingetjo tjiungurisa omuano wongoro yokuti posi otjira ihi kanaa tjaona okumuna otjivahero momatoorore wo 2009. Posi, ngunda omuano imbui aeri ongahukiro kutja ohepero mokuyeta ondekasaneno mOmbongarero yOtjiwana, omaunguriro wawo kanaa yetjiukua ngunda aeri o CoD aiyerike uriri ndjimaye wuungurisa mena

Otjiraisiro 5: Omambo wovakazendu moporotika okuza kembo rouyenda wa Libertina Amathila rena Okutjita kutja pekare Ombangu (Making a Difference)

Omberoo yokombanda mbanda yoporotika mo Namibia omukazendu marora okuhaama oyondjo yOministera Ondenga yOkehi mumuari Libertina Amathila. Membo rouyenda we, Okutjita kutja pekare Ombangu (Making a Difference) mayandja ondjerera mouyenda we otjomukazendu omuungure mouye mu mu honaparera ovarumendu. Kehi imba mape kongorere omambo wovakazendu okuza kembo ra Amathila: “Metjiwa kutja ondjo kutja onguaye ovakazendu tjiveha kuramenua po nawa utuapewa nao otjitanga kaorerengo kutja ina ovakazendu oveni, mokutja kavetoororasana. Omaheya inga yehohiziwa iyovarumendu mbihazuu oukoto wouzeu ovakazendu mbuvemuna; Metjiwa kutja mavepatana posi owatjiri. Okutoorua, ovira vitja ngatuutire okuza kotupa okuyenda kozombongarero zotukondua novakazendu kavena ouviare wokukara notukosi mourongo mozoresevate. Ngunda ovakua ovarumendu aveuhara puna omapanga wao mozondjuwo zomavina ama vehungire oporotika, ovakazendu okuuta kozoiri zomuhuko munene rukuru vasere okuuta nokuungura ehi, okukanda ozongombe nokurongerisa ovanatje okuyenda komahongero, okuverisa nandarire wina okurisa ovarumendu nokuungura oviungura vioponganda. Munao otjivehakara pozombongarero mena rokutja tjiva viovirongo imbi mozoresevate namotukondua. Ozombongarero tjiva wina zeuta onguova nu hapo ovakazendu mozombokoto zomaturiro mave kara vi pozombongarero inga ngunda avasere okuungura ehi nganduu tjiratoko? Ovakazendu veuta okuungura eyuva ngunda arihiyapita nokukotoka konganda eyuva tjirahiti. Vekotoka konganda aratoko nave terekere ovanatje nomaŋdu wao, nu munao otjivehakara pozombongarero nu ongahukiro kutja ndoovazu kavekarere pozombongarero kapena mundu ngu mevetjiwa.

Munao omatokero otjeri omanene kovakazendu ndoovazu kave vatererue okuronda momahina yoporotika. Nandarire tjakara morutuu kapena onguizikiro yokutja omukazendu matoorua. Eye upandjara mena rokutja omayuva inga, okupatera omukazendu pendje, penembo ehongonekua: ‘Omuakazendu ingui eŋe katumuii, kakara pozombongarero’ Momuano imbui eye otjepaterua pendje. Posi tjeri omurumendu kapena omundu ngupura kutja ngumemutjiwa oune. Mevanga okutoka otjira tjangde, Swapo, kutja omunao wotjivaro tjoharive uhitiŋsiwe kutja ovakazendu veyenene okutoorua nuvekare norupa oruna maheya movitjita viehi indi. Atuhe matutjiwa kutja otjingi tjovakazendu veungura nawa tjivatorua.”

roktja otjira ihi tjayenena okumuna ovihavero 7, 5 na 1 mozombongarero yotjiwana ndatu ozoseinina. Ohambuarakana yatjo kovakazendu kOmbongarero yOtjiwana oitjatatu (ovakazendu vetatu) noitjaine (ovakazendu vevari) yari ohepero ohapo posio nomukuramenepo umue uriri mOmbongarero yOtjiwana oitjatano, nu otja tjitjimunika yo ooruvara ruatjo ruyenda amaru kururuka okuza ko 1999 tjitjeya, oruyaveze rotjira ihi- nomaundjiro watjo okuyerurura ondondo yondekasanenomarumunika ongorera.

Ohepero okoo kutja o CoD maiso kutja yasere okukara nomutongatima nokaņepo kayo kuyari nako, Nora Schimming-Chase, ngunda akehiyazamo motjira tjitjari otjina tjitjanyandavarere mozombuze. Otja komatarero womatjangua wondjuwo yozoveta inga o Hansard, Schimming-Chase onguari okaņepo komukazendu erike mokati kouņepo omurongo mokuyandja ohambuarakana kotjihungiriro; nu puna Elma Dienda (wina wo CoD) vahongorera otjimbumba tjounepo wovakazendu omurongo wopondomba otja ko Hansard.

Otjira otjinane otji tjakara nokuyenena kukuriko okutekisa ovakazendu novarumendu pamue motutu peke peke tuondjuwo yozoveta mounene nondjinda yatjo mOmbongarero yOtjiwana. Ohepero okuyendekera kutja o Swapo yakara nohambuarakana yotjivarero otjinene nene tjovakazendu korutuu aruhe rOmbongarero yOtjiwana. Movakazendu avehe kumue o 20 mondjuwo yotjiwana nai, 19 (ozopersende o 98) ovo Swapo, notjira ihi tjakara notjivarero otjingi tjingi tjovakazendu mondjuwo yozoveta okuza kongutukiro. Posi, mu imbi avihe, ozopersende zouņepo wondjuwo yozoveta mbekuramena po o Swapo mberi ovakazendu upaņdera pokati kozopersende o 8.5 (1990-95) nozopersende o 30.6 (2010-2015). Tjingetjo tjimuna iho otjihupe tjovira, okuiisira kondando yotjiwana yokukara nozopersende o 50 zovakuramenepo ovakazendu mo 2015, ovivarero imbi kavina tjiivivatera okutunduza otjiposa tjovakazendu momananeno.

Komurungu wombongarero onene yo Swapo oitjatano, ondekasaneno yari otjina otjinene pombongarero ondenga yomuhunga yotjira ndjari mozombuze tjinene mu Ndengani mo 2012. Pombongarero onene omieze vivari kombunda ya nao, pari omambo omengi ohunga noma kuramenenupe o 50/50 motutu tuotjira posi okuhungirira nokutua momaunguriro wawo ayeturikua kombongarero yarue yapeke ku Ngarano mo 2013, nandarire kutja nguari Operesidenda sam Nujoma watoka kutja “ohoromende yotjira tjo Swapo itue momaunguriro ozongutiro zo zombongarero ozonene zo Swapo zo 2002 no 2007 zondekasaneno yovakazendu movito ovinahepero.”

Ombongarero yapeke yatandua tjiyeri 21-23 ku Ngarano 2013, tjima peundjiru kutja otjira matjitoora ondiero oseinina ohunga nombepo yozondanuriro okutanaura ongundeveta yotjira kutja iyeneneke omakuramenenupe wo 50/50. Otja komatjangero wozo kurande ohunga no mbongarero yapeke ndjatandua indji,

“Otja komarundururiro, vivari viovito vio pondomba motjira otjinane tjitjiri tjo peresidenda, tjo peresidenda yokehi, omutjangerepo no mu tjangerepo wokehi viasere kukara novakazendu notutu atuhe tuo Swapo tuasere okutua momaunguriro omakuramenuepo wo 50/50. Mu imbi muna kutja 33 vouņepo o 66 Okomiti yOmondivitivi mauso kurira ovakazendu nu vetatu vaimba o hamboumue ovaurikua iyo Peresidenda ko komiti indji maveso kurira ovakazendu. Otjira wina matji hitisa omuano womatoororero wovaurikua morutuu ruatjo otjouņepo wOmbongarero yOtjiwana ovakazendu novarumendu pumavetoororua peke peke tjazumba orutuu otji maruņunua okumanuka nokuungurisa omuano imbui wo ngoro yokuti.”

Mokuyeneneka ondando yo yotjiwana yo 50/50, ohepero otjira tjo Swapo tjiirongerere okuyeta ondanukiro ohoromende (ohapo ndjiisanewa “otjohoromende yo Swapo” iyo Swapo oini) ndjiizera okumuna. Otjotjisanekero, ndoovazu o Swapo yari nomakuramenenupe wozopersende o 50 zovakazendu motutu tuayo nai, ovina avihe tjiiviri nawa, otjivarero tjovakazendu mondjuwo yozoveta atja rira ozopersende o 38.5- tjitjiri omakunguzukiro omanene okuza pozopersende o 24 nai.

Pendje no Swapo no CoD, ovira ovihupe kavitoņene okuyandja ohambuarakana yotjivara kondekasaneno mOmbongarero yOtjiwana.

O Rally for Democracy and Progress, ndjataara ovihavero hambonatu momatoororero ngazuko, tjina okaņepo kondjuwo yozoveta omukazendu kemue uriri mOmbongarero yOtjiwana, nu komurungu, tjina ovakazendu o 15 uriri (ozopersende o 20.8) mOkomiti yatjo yo Mondivitivi ndjina ouņepo o 72 novakazendu vane (ozopersende o 19) mo National Executive Committee (Okomiti Ongaendise yOviungura yOtjira) aihe kumue ndjina ouņepo o 21. Peri nao nandarire kutja Orutuu rOngurameno rotjira, o Manifesto, ruraisa kutja kehi yotjiuru tjiuruteto romambo tjokehi, “omayandjero womasa kovakazendu” oku “okurambere tjeri ozonđiņdi ozopersende o 50 zovakazendu ovakuramenepo, mohoromende namoviungura vio horomende nawina motjira tjetu oveni namo ngaondjisiro yovitjitua viatjo.” Mehungi kuna o IPPR, Selma Shilongo wo RDP wayendekera kutja otjira tje katjisupi tjakara nombongarero ohonge oku hungirira komihunga viarue tjiķueja komakuramenenupe wovakazendu motutu tuotjira, natja otjira matjiripurire koku rundurura ongundeveta yatjo kutja iraise omeriyandjero watjo ko ma kuramenenupe wovakazendu o 50/50, nandarire wina okukondjisa omuano wongoro yokuti poo omuano warue.

O DTA, UDF no Nudo atjihe tja taara ovihavero vivari mOmbongarero yOtjiwana yo 2010-2015 posi kapena tjiņue tjavio tjahinda omukazendu kondjuwo yozoveta.

Orutuu rongurameno ro DTA ruraisa nai omeriyandjero wotjira “komazemburukiro okuura” wovakazendu “motupa atuhe

tuotjiwaṅa” natjiyanisa “noutue oku kongorera ousemba mbuteki wovakazendu komurungu woveta”, posi kaina pumaitamuna onḁekasaneno moukoto wayo oini. Posi komurungu womatoororero wo 2009, otjira tjari novakazendu vane moviṅo viatjo vio pondomba (ozoperesende o 40) novakazendu o 30 morutuu ruatjo romana o 72 (ozoperesende o 42). Tutatu tuo vito vine mbiari novakazendu movito omurungo vio pondomba yari poruveze orutja 8, 9 no 10. Mehungi kuna o IPPR, Omutjangerepo wo DTA McHenry Venaani, waraisa ohepero yokukondja kutja ovakazendu veri moviṅo ovisemba motjira. Watja “moviṅo vine vio pondomba viotjira, mohepa ovakazendu ovanamasa kavakazendu otjiwowa uriri. Penohepero ongahuke okumuna ovakazendu varue mOrutu Orupitise rOtjiwaṅa (National Executive) – mbiri ovito viotjira vio kombanda, okuungurisa omuano wongoro yokuti.”

Orutuu rongurameno ro UDF ruyanisa okusembamisa “Otjirata tjOtjiwaṅa tjOvakazendu okukurisa nokutarera omayandjero womasa koviungura viovavakazendu,” nurutja maru kondjo kutja ozoperesende o 50 zovakuramenepo vovakazendu moporotika, nawina owo okukuramenuapo nozoperesende o 40 mozonganda ohinga kohoromende komurungu wo 2015. Oku tuurungira momirari vio kuyandja omasa kuimba mbaseerue kombunda. Mo 2009 ozoperesende o 40 zoviṅo vio pondomba omurungo ovitenga morutuu ro UDF viari novakazendu, nozo peresende o 51 zovakazendu morutuu ruayo rovavarekua o 72. Posi otjira katjiungurisa omuano wongoro yokuti, novakuramene po vayo vevari mOmbongarero yOtjiwaṅa ovarumendu.

Koruseinina Orutuu rongurameno ro Nudo ruyanisa kutja otjira matjiiriyandjere ko “okupendura orupa rovakazendu monḁunino yotjiwaṅa, na mo vitamba vio ngorongongova, ombazu no porotika.” Matjikayenda komurungu okuyanisa okutua momaunguriro “otjivaro tjoharive okukondja kutja omakuramenenupepo wovakazendu omakohoke pozondondo azeembari yongomainde noyo tjiwaṅa...okutuurungira moku tynyuna omuano womatoororero.”

O CoD (ndjahungirua komurungu imba), RP, APP no Swanu atjihe tjataara otjihavero tjimue mOmbongarero yOtjiwaṅa yo 2010-2015 nu atjihe atjituamo omurumendu motjihavero ihi.

Kombunda yomeripitisiro mOmbongarero yOtjiwaṅa, yoperesidenda Henk Mudge, Clara Gowases- omukazendu-onguayaruka motjihavero tjo RP tjitjasewa tjo mOmbongarero yOtjiwaṅa. Posi, mehungi kuna o IPPR, Gowases, Okanepo Kondjuwo yOzoveta, wayendekera okuhina enyando kotjira okukondjisa omakuramenenupepo o 50/50. Watja kakambura momuano wongoro yokuti mena rokutja mauyenene okurirunga momatoorore woupepo wotjira moyara moviṅo ovinene. Mo momatoororero wo 2009, ozoperesende o 40 zovito viovondomba ovitenga omurungo viari novakazendu, nozopersende o 50 vaimba mbari porutuu rovandu o 72 vari ovakazendu.

Kehi yena indi “Onḁekasaneno pozondondo azehe” o APP

morutuu ruayo ruongurameno momatoorore wo 2009 maitja otjira tjiyandja oruvara “konḁekasaneno kaparukaze” naitja “o 50/50 mozondiero maso kurira owatjiri ngunda turiko.” Maitja otjira matjikondjo kutja “koministera aihe ndjiri omurumendu poo omukazendu poo omurumendu wohehi marire omukazendu poo omurumendu,” naiweza ko kutja itji matjiungurisiwa pozondondo azehe zoviungura viotjiwaṅa. Mehungi kuna o IPPR, Operesidenda yo IPPR, Ignatius Shixwameni watja otjira tje tjatjita omeriyandjero watjo komakuramenenupepo wo 50/50 oukahuke nomeriyandjero inga mayeraiisiwa mOrutuu rOtjira rOngurameno nOngundeveta. Tja kamua ohunga nongurameno yotjira komuano wongoro yokuti, eye wamuna kutja o APP “ikondja okukara nomuano wongoro yokuti kondjuwo yozomveta” posi aweza kutja “omuano mbu matutjiti nao marire amatokero mena roku kondjisa okukara otjovanauyara.” Watja otjira tjitara tara momiano peke peke ohunga notjiṅa ihi naraisa ondero ye kutja tjeri kehi movandu omirungo vivari ovatenga moitjira mavetoororua otja komuano imbua. Mo 2009 vevari uriri vovandu ovatenga omurungo mo APP ombari ovakazendu. O Swanu ya Namibia kaina puiitamuna omakuramenenupepo wonḁekasaneno mounane mOrutu ruayo ruo 2009 Rongurameno mOmatoororero. Morutuu indui ozoperesende o 30 zovandu omurungo ovatenga vopondimba yari ovakazendu ngunda orutuu rovandu o 72 ruari nozoperesende o 42 zovakuramenepo vovakazendu.

Movira mbihina otjihavero viataara momatoorore wo 2009, omakuramenenupepo wovakazendu motutuu tuavio tuovandu o 72 notuveze omurungo otutenga ruahovekua, otjirei tjokehi imba otja tjiimatjiraisa. Otjira tjozo kOmunesa otji tjari otjira atjiyerike tjitjari novakazendu ovengi povarumendu morutuu namotuveze omurungo tuopondomba.

Otjirei 6: Omakuramenenupepo wonḁekasaneno momatoororero wo 2009 kovira mbihina viataara otjihavero mOmbongarero yOtjiwaṅa.

Otjira	Ozoperesende zovakazendu moviṅo viovondomba omurungo	Ozoperesende zovakazendu morutuu rotjira
Otjira tjozo Komunesa	60	65
Democratic Party of Namibia	50	38
Monitor Action Group	0	32
Namibia Democratic Movement for Change	10	16
National Democratic Party of Namibia	50	50

Mbepaha kutja ovakazendu vasere okukuramenuapo pupeteki veitevarasana kutja ovira vioporotika viasere okurikuta kombepo yo makuramenuapo wo 50/50, ondanaukiro moveta maiso okuyetua ndjimai tuapo otjivaro tjoharive nawina omazeva ngumayeyeta ondanaukiro ndjimaizerua. Pendje nomatungurururiro inga, posi omatunduuzuri womakarero worupa wovakazendu moporotika no mazuvisiro wOunepo wOndjuwo yOzoveta ondekasaneno wina ohepero.

Omasa Movivarero: Orupa Rotjihungiriro Tjovakazendu

Ondando onene yOtjihungiriro Tjovakazendu mouye okuyeta ovakazendu mberi mounane pamue kutja very kovikke vira vioporotika. Orutu rouye insui o IDEA rukuramena po omasembamisiro wotjihungiriro tjondjuwo yozoveta tjovakazendu amarutja “ovakazendu vasere okuriworonganisa okuza movira nopendje yovira.”

O National Democratic Institute marutja oviungiriro “maviyenene okuhandjaura oumune motjikando tjingetjo kotupa peke peke,” nokuyandja ondjerera kouwa imbui mburi otjipaturure.

- Mautunu kohoromende notjitama tjoporotika mokuvatara okuyandja onduri korutuu romahungiriro wotjina ihi mokuyandja ondjivisiro nokuhungirirapo.
- Mautunu kohoromende nokupaturura omeho wovandu ohunga notjina ihi, nawina okurira otjipaturure tjomamahakaeneno moviva tjiva pokati kohoromende notjiwaga, nokuyandja ondjivisiro nokuhungirirapo.
- Okurira ovatjevete vovina tjiva mokukondja kutja ovandu mbena ongendo novimbumba mavetjiwa oveta ndena otjina notjina ihi tjimamutarewa rukua.
- Ounepo wotjihungiriro potungi verira ouhungirirapo wovina imbi nu munao wina otjiverira ovarundurure vondjivisiro nokupaturura otjiwaga momoho.

Mo Namibia Otjihungiriro Tjovakazendu Tjondjuwo Yozoveta tjasembamisiwa mo 1996 otjotjungura tjomuyaruke Mose Tjitendero nondando yokutara kovivenge mbia hungama ovakazendu. Ounepo wondjuwo yozoveta wovakazendu auhe ounepo wotjihungiriro ihi nu motjiungura tjatjo muna okuhandjaura ondjivisiro, okuhungirira ongaro yovakazendu, okutara momihunga, oveta nonguizikiro yotjimariva otja tjimatjama kondekasaneno nokuyandja onduge movinenge viondekasaneno. Posi ozombura ndakapita Otjihungiriro Tjovakazendu Tjondjuwo Yozoveta ihi tjikara atjihaungura nandarire moruuro nduakarapo kutja rupenduke okuyandja ohamburakaga kozondando zoku yerurura omakuramenuapo wovakazendu norupa ruao mondjuwo yozoveta.

Omaungiriro wotjihungiriro ihi komautiro yari kehi yOkomiti Ongurame yOvinenge Viondunino yOvandu nOmekurisiro

wOtjiwaga. Otja komatjiukisiro womorongovi wotjihungiriro ihi “momakayendero wo 2009, Okomiti Ongurame yOmazeva yOmbongarero yOtjiwaga nOngaro Nomakayendisiro wOviungura yayakura kutja Ootjihungiriro ihi tjirire Okomiti Ongarere yOndjuwo yOzoveta ndjimatjiukua Otjokomiti yOndjuwo yOzoveta yOndekasaneno.” Okomiti indji ayiundjirua ko kutja iute okuungura oruveze rondjuwo yozoveta otjatano (2010-2015) posi ngaa kundinondi oyo ngunda oruroto uriri.

Mo 2009 Veronica de Klerk wo Women Action for Development watuako ondjererera yarue kokuhina kuungura kOtjihungiriro ihi tja tja “Ami hipezuu kutja Otjihungiriro Tjovakazendu Tjondjuwo Yozoveta mo Namibia, tjtji heri tjovira vioporotika viorive tjiungura nu tjtjiukua nawa”. Waweza ko natja Otjihungiriro ihi “tjasere okuungurira ondero yovakazendu avehe nu matjiyenene okuungurisiwa iyo vakazendu voporotika otjorupare rokuhara ondjivisiro ohunga nondjuriro yovakazendu okutuungura momaumune nozondunge okuza kotutu tutu heri kehi yohoromende; otutu tuotjiwaga, ozombongo, otutu tuomitanda, na nao moku memena mondjuwo yozoveta ozombepo ozondvukua. De Klerk komurungu waraisa omerizirira wovakazendu mondjuwo yozoveta natja “ovakazendu voporotika vasere okutjevete nomasa kutja aveharire ovahena kunatja, poo okurira omapanga tjinene novarumendu tjivarire ounepo wondjuwo yozoveta nokuzemba ondjuriro yovakazendu ovaŋukare pendje ingo owo mbumavehepa ombatero yao tjinene nu mbatoorora kotjira itjo.” Mehungi katjisupi kuna o IPPR, de Klerk waweza ko kutja ouzeu wOtjihungiriro ihi okuhina okuungura marire kutja Ovinenge vio vakazendu kanaa kuhungirirua otja tjikuaserue okuhungirirua,” na raisa omauzeu omanene ngeripo nai ngakambura otjiwaga tja Namibia tjimuna “omazepero wovakazendu notutjero, omanambirahiro wounatje notuwondja tuomazepero wovasuverua,” muviarue ovingi.

Mehungi kuna o IPPR, o Ministera yOndekasaneno wina wayendekere ohepero yOtjihungiriro natja “Oministeri maivanga Otjihungiriro ihi tjirire otjipiuke kutja tjiyenene okuungurisiwa okuhinda ombuze yomasa ohunga nondekasaneno mo Namibia.” Mensah-Williams wina wamuna kutja nokuhina Otjihungiriro ihi “ozombungurua veta mazeheza mo nokuhina eraka rovakazendu,” mena rokutja ondando yOtjihungiriro ihi yasere “okutuamo ohomo mozoveta, okutjita kutja pekare otjititua poo okurundurura ozoveta” okurizemburuka nondero yovakazendu.

Ovakuramenepo vo vira peke peke mbahungira mo matjangero womatjangua inga varaisa kutja Otjihungiriro ihi matjiyenene okurira otjina tjomasa mongondjero yokutuŋa ovinenge vio vakazendu mo Namibia, mena rokutja otjo katjo tjira tjoharive. Clara Gowases watja okututumuna Otjihungiriro ihi “otjina ohepero tjinene mena rokutja matjiyerurura ombango yozombuze ohunga novakazendu nomapu wawo” nu wina mena rokutja nai “kapena orupare ropokati kovira okuhungirira kamapu yovakazendu.” Shixwameni waweza kepu indi natja Otjihungiriro ohepero “mombii yovakazendu okukurama pamue pendje novira

nokuhungira otja Vanamibiana tjeheri okurira uriri ovakazendu.” Wapambarere kutja mOtjihungiriro ihi, eraka rovakazendu mari harere ko omasa otjepango ndauana “novarumendu mavepuratene”.

Omuhunga wa Namibia wOndekasaneno, tjingetjo, uningira Otjihungiriro tjimatjitara komapu wondekasaneno. Otjaimue yozondunge zayo zokutja pekare otutu tuo kuyeta oupupu womatuiiro momaunguriro wOmuhunga imbui mauningire kutja pesambamisiwe Orutu rOndjuwo yOzoveta rOtjihungiriro Tjondekasaneno okutunduuza omahandjauriro wotjina ihi nomahaeneno pokati kaimba mbena ondero mutjo, tjinene pokati kondjuwo yozoveta novanarupa varue. Orutu indui maru:

- Rukondjo kutja pekare oruvara nduayenene koupepo wondjuwo yozoveta nokuyandja omahupikiro ngapuire womoviungura okuveyandjera okurira ovapiuke nokupiukisa oupepo wondjuwo yozoveta;
- Okupaturura omeho woupepo wondjuwo yozoveta kutja ovakazendu poo ovarumendu ohunga nomapu wondekasaneno;
- Okutarera oviņa avihe mbiatjama nomapu wondekasaneno nokukondja kutja ozoveta azehe maze yandja ondengero kousemba mbuteki wovakazendu novarumendu, nokutuna omapu yapeke ngahungama ovakazendu mo Namibia;
- Okukondonona omakuizikiro wotjimariva otjiungurisiwa tjtjiwaņa kutja wina tjiivaze kondekasaneno momahaņeno watjo;
- Okuyandja ozomburo nđayenene noruvara komatuiiro momaunguriro wovitjitia vio ndekasaneno;
- Okutuapo otutu tumatu waneke ovitjitia viondekasaneno nomakarero mo norupa wovakazendu muvio; no
- Okuyandja oruvara kovanane vovakazendu mbuma veyenda yenda noruvara wina kovitjitia viokuyandja omasa kovakazendu.

Orutu nduungura aruyerike ndueriyandjera kondekasaneno Okomiti Ongarere yOvakazendu yOtjirata Tjtjiwaņa ndjina otjimariva otjikuizikua tjayo. Tjapurua kutja hapo Otjihungiriro tjOmbongarero yOtjiwaņa atjatjihonga tjike kOkomiti indji, Omuhaamise wOvihavero wOkehi wOtjirata Tjtjiwaņa nguri Omuhaamise wOvihavero wOkomiti indji, Margaret Mensah-Williams, wayendekera kutja Otjihungiriro Okomiti indji “ina oviņa okurihongera ko pehi”, nu munao otjiina ovingi okuhaņasana mu imbi, na yandja onduge yokutja Otjihungiriro nOkomiti indji pamue atja viyenena okupaha otjimariva tjokutua momaunguriro omihunga mbiatjama nondekasaneno. Otjotjisanekero, okomiti kotjikando otjitenga yakara nomahaameno wondjuwo yozoveta moresevate mu Ndengani mo 2012 ngayeta pamue ovakazendu vevari nomurumendu imue okuza kotukondua o 13 mehi kehi yembo ehongonekua ndjimaritja “Okunjomona Ondekasaneno mOtjiungura tjOuyara Okuza Komeho yOvakazendu Motjiwaņa”, omapu tjimuna “ombandukiro yovanatje, otjitandi tjovakazendu notjitiro tjovanatje nomapu wotjitandi nomekurisiro” ku kua hungirirua.

Pakara ovitjitia viarue okutua momaunguriro poo okuyauza otjiungura Tjorutu Rondjuwo Yozoveta yOtjihungiriro tjOndekasaneno. Mu Ngarano ombura ndjazuko Orutavi Rua Namibia rOrutu rOvakazendu Oupepo Wondjuwo Yozoveta momahi ngewira kehi yotjikorone tjehe rOvaingirisa otjirua sembamisiwa. Otja momatjangua mozombuze ohunga nomasembamisiro worutu indui, ondando yOrutu Oruhungirire indui, “okuhinga otjihungiriro tjondekasaneno mozondiero zoveta, okuza koviņo avihe viongarero yapamue kutja omoporotika, ongorongova na mombazu.” Moupepo worutavi rua Namibia rorutu indui muna Ruth Kepawa Nhinda (Omuhaamise wOvihavero), Sophia Swartz (Omuhaamise wOvihavero wOkehi), Rosa Kunyanda (Okapepo) na Alexi Manombe- Ncube (Okapepo); peundjirua kutja moviungura viao ovinene muna omahaenisiro no ministeri yOndekasaneno, ondjuwo yozoveta (Orutu Rondjuwo Yozoveta Rotjihungiriro Tjondekasaneno) notutu tuotjiwaņa mo Namibia. Otjina atjiyerike ku ndinondi tjtjarora okukara mozombuze ohunga norutu indui orondi tjirua sembamisiwa.

Omahi peke peke morukondua nawina mekoverua hi ra Africa yakara nozondoneno okutuuringira mOrutu rOtjihungiriro indui. Mo Rwanda, orutu rotjihungiriro rondjuwo yozoveta ruakara nozohambuarakaņa zotjivara koveta nokutarera omihunga viondekasaneno nonguizikiro yotjimariva okutuuringira mokuhungirira komapu yondekasaneno. Orutu rOtjihungiriro rovakazendu va Malawi ruaungura oveta onahepro “ndjatjama no vakazendu ovahepundu neņa, ousemba wokukara novanatje nondumbiro yawo, oukuatera nomahaņikiro worukupo.” Nu mo Uganda Ehika Roupepo wOndjuwo Yozoveta “ruakara norupa mokutja ezeva rondekasaneno rituwe mongundeveta ya Uganda. Ondjiviro mouye mairaisa kutja otutu tuovihungiriro viovakazendu otunahepero okutua omapu wondekasaneno poruhaera momiano omingi peke peke omiparanga, nomasa wowingi okutanana ovira motjiņa ihi ohepero tjinene.

Omahandjauriro wOndekasaneno mOndjuwo yOzoveta

Mokuhandjaura ondekasaneno moporotika, wina ohepero okuzemburuka ovipuite mbia kuramena ovakazendu momurungu momakarero wao norupa okuura nawina otjihungiriro komapu wovakazendu owo ndino tjiivava memberoo yoporotika.

Omatjangua yo IPPR yo 2010 ndjimaitara momatjangua wondjuwo yozoveta ohunga nomapu wondekasaneno yaraisa ovinenge tjimuna “okuhina kutjiwa okuhungira nounongo ouheņa mOtjiingirisa”, “oumune wokutja oporotika otjitamba porue tjovarumendu” novinenge wina vio mbazu otjovipuite komakarero wovakazendu norupa. Mairaisa ongononono “ndjatjitia

momahi peke peke mo Africa kehi komanene mo Namibia wina” “ovakazendu puvatamuna ombazu otjo tjiipuite otjinene nene komakarero wao norupa ngunda ovakazendu avamuna kutja ongamburiro nomekurisiro motjiwaŋa otjo tjiipuite otjinene nene.” Okuweza ko omeriyandjero kotjira tjakarive rutenga, tjtjita kutja ovakazendu vekuramekongotue yovaza pamue vao ovarumundu momapu wotjiwaŋa pendje nokutara komapu wondekasaneno motjiwa tjo harive iho potuingi tjimuinisa ovakazendu mondjuwo yozoveta. Mokuhandjaura oumune wokuhonapara moporotika, Hoopwood na Tjirera vatjanga kutja:

O Namibia karina kuhaŋika nomahi warue tjkueja kovarumendu okuhonapara moporotika. Omahonaparero wovarumendu moporotika yetja ozondiero moporotika kazetoorua mena romazeva worutu roharive indo nunguari omongarera yomaunguriro pokati kovandu namoŋero yao. Munao ouŋepo wondjuwo yozoveta wovakazendu tjingetjo otjimauyenene okuwira monguehe yongarera indji ndjtjita kutja owo auharire ourikuramene. Momahonaparero wovarumendu ozongaro azehe nŋeripo, kutja omoporotika poo omakawondjisiro wovotjtjita, ozongaro zopokati kovandu. Ihi matjiyenene okutjayera ovakazendu kutja avehakara nongurameno ya katjotjiri nokurira ovapiuke moku hungirira po ondekasaneno mokumuna kutja ovo veri moviŋo muveri mena rovarumendu ovanene movihako puwo moporotika. Posi, kakutja ovakazendu aveerike ombasere okuhungirira po ondekasanaeno.

Otjotjiri, ngunda ovakazendu aveyenena okuhungirira po otuhepo, omaundjiro nozondero zao momuano womuzura, okuraisa omapu ngatjama nondekasaneno kakusere kurira kovakazendu voporotika porue. Pendje novipuite mbitjtjita iyo varumendu okuhonapara moporotika nombazu- mokuhungirira komapu wondekasaneno mondjuwo yozoveta namo zondiero zotutu peke peke- makuhepa kutja voporotika avehe ovakazendu novarumendu vepatururue omeho kondekasaneno. Ihi ohepero tjinene okuiisrakotuwondjatjotjtjita ndikatjtjisi putuhungamisiwa novakazendu nawina omanambirahiro wounatje.

Omatjangua wondjuwo yozoveta o Hansard yaraisa kutja tjkueja kondekasaneno, tjiva wouŋepo wondjuwo yozoveta ourumendu watena omambo poo wakara nomapuriro ngeheri omatjate kondekasaneno. Otjo tjiisanekero:

Tjiyari 19 ku Kozonjanga mo 2007 Elma Dienda wayeta epu romuano oporise mbuiisekamena oviposa viotjtjiti kutja hungamisiwa ovakazendu. Waraisa kutja omundu tjarapota otjtjiti kutja tjo ponganda koporise, ovaporise potuingi vetja “kako, katuungura noviposa viotjtjiti kutja tjo ponganda, yaruka.” Ihi tjtjita kutja Samuel Ankama mapure Elma Dienda kutja: “Mutjuŋikua Dienda, oo hungire ohunga novakazendu mbekunua omburuma iyovarumendu. Owatjiri, tjtjtjita, posi motjiwa noho kutja tjingetjo pena ovarumendu mbekunua omburuma iyovakazendu nowo vekaririra korutu tjingero nave

hindua okuyaruka kozo yao?”

Okutara kepuriro ra Samuel Ankama popezu, omundu moyenene okumuna mo okuhina kunatja okuŋiŋi. Nandarire kutja epuriro enahepero otja tjiriri, katjina otjipatasenewa kutja otjtjiti kutja tjo ponganda mo Namibia tjimuna kuarue tjina otjiwa nondekasaneno novakazendu omberi ovailhamisiwa vatjo, novarumendu ohapo omberi ovetjtjite. Moumune imbui, epuriro tjimuna indi marimunika ayo ratandua okuhoreka owatjiri wohepero yokutara kotjtjiti kutja tjo ponganda.

Ngunda ovisasanekero viarue kaatjondumba viomambo ondjimbirahi ohunga nondekasaneno ama viyenene okumunikua mozo Hansarda, amatjangua wina yerasia kutja ovarumendu vakara ovanarupa ohepero mokuyeta omapu wondekasaneno mondjuwo yozoveta, nokutuapo otjihorera kovakazendu ovengi-tjiva vao mbakara kumui oruveze orure ohunga nondekasaneno. Oruveze indui o 2005 no 2007, otjo tjiisanekero, otja ko Hansard McHenry Venaŋi, Nahas Angula, Jurie Viljoen, Peya Mushelenga na Henk Mudge veri kombanda morutuu rouŋepo wondjuwo yozoveta mokuhungirira kovinenge viondekasaneno okuzakotutjero nomaimbirahiro wounatjengandu komayandjero womasa ku mbaseerue kombunda, amatumbiro wovakazendu nouveruke wovanatje notjimariva otjiungurisiwa tjo horomende tjo Ministeri yOndekasaneno. Owo vakongorerua i Elma Dienda nguari omutenga mouŋepo wondjuwo yozoveta oukazendu.

Okutara konŋengu yokunjomona omapatururiro womeho mondjuwo yozoveta kondekasaneno matjiyenene okutunduza omuano omapu wondekasaneno mbuyetarewa mondjuwo yozoveta, nawina omuano ozombuze mbuze tjanga ovitjtjita viondjuwo yozoveta mbiatjama nondekasaneno. Komurungu, mo ku njomona ondekasaneno mondjuwo yozoveta namoviŋo viarue viondiero, ohepero kutja ovarumendu nawina ovakazendu vezuve ohepero nonŋengu yohambuarakaŋa ovakazendu ndjimaveyenene okukara nayo. Munao, o Onŋuvavasaneno yo SADC me Atikeri 12.2 maitja “ Omahi ouŋepo mauso okukondja kutja avihe vioveta na viarue mavikongorerua iyo tukosi tuokupaturura otjiwaŋa omeho tumatu raisa orusepa orunahepero pokati komakuramenuepo nomakarero mo norupa wovakazendu novarumendu ngeŋeki moviŋo viondiero, ouyara, omananeno omawa nomakarero mo norupa iyovakuatera.

Komurungu me Atikeri 13 maitja mokukondjisa omakuramenuepo omaŋeke, Omahi Ouŋepo yasere okusembamisa omihunga, omiano novitjtjita okutunduza ondekasaneno nokutanaura “ozongaro nozongamburiro zombangu moviŋo viondiero nomirari.” Onŋuvavasaneno maiweza kutja ovarumendu novakazendu vasere okukara norupa movitjtjita viondekasaneno mbiatanderua ondando indji.

Pendje no SADC, ozongondjero zo ku tjivisa ondekasaneno wina za handjaurua nawa momiano viondjuwo yozoveta viondekasaneno vio ECOWAS ko 2010-2020 mbi ma vi

handjaura omuano wondjivisiro otjo tjipaturure tjokupaturura omeho nokutjivisa ozondjuwo zozoveta ohunga nondekasaneno. Munao orutu ro Africa koutokero indui otji marumunu kutja “okuzuva nokuitavera ohepero yomanjomoneno wondekasaneno oo mautiro ku avehe”, nokutja pekare “okunatja nondekasaneno otjina tjtjasere okunua movakazendu novarumendu, tjinene nene imba mberi moviŋo ovinahepero viondzindiero.” O Namibia mariyene okurihongera kuihi nomiano viarue mouye nomaunguriro omawa mawa moku tjivisa ondjuwo yozoveta, notutu tuovakazendu wina tuna orupa orunamasa motjina ihi.

Okutjita kutja ovivarero vivare: Orupa rotjiwaŋa novimbumba vio vakazendu

Okuweza kourizemburuka mbua yandjua kombanda imba, Onđuvasaneno yo SADC yOndekasaneno Nomekurisiro wina iningira orupa rombirivate notjiwaŋa okukara norupa momeurisiro wozondando zayo zondekasaneno. Maitja omahi ngatuako omunue kembo maye “yandja omasa komaunguriro kumue pokati kohoromende, orupa rombirivate notutu tuotjiwaŋa novakaenda pamue momekurisiro vouye mberi motjitamba tjondekasaneno nomausemba womundu.

Mehungi kuna ovanane peke peke pondondo yotjira noyo tjiwaŋa, pa jauzua rukuao na rukuao kutja otjiwaŋa tjinorupa ohepero moku njomona omakarero mo norupa wovakazendu moporotika mo Namibia no ku tunduza omapatururiro womeho kondekasaneno wouŋepo wondjuwo yoveta ovarumendu novakazendu. Ngahino epuriro o: owo hapo vasere okukara vi norupa indui?

Margaret Mensah-Williams watja eye mamunu orupa rotutu tutuhawire kehi yohoromende notutu tuotjiwaŋa otjo kuvatera poo okuyandja ozombongarero ozohonge ndumazenjomona omekurisiro womayeneneno ongondoroka nondekasaneno, nawina otjozandje zomahongero wondekasaneno nomakarero mo norupa kotjiwaŋa. Wina matja otutu tuo ngamburiro tuna orupa orunahepero pondondo yeŋundu, mokuhonga ongaro ndjimaiyauza ondekasaneno. Clara Gowases wo Republican Party maikumune noumune imbui natja okunjomoma omakarero mo norupa wovakazendu moporotika, “matuhepa okurongera okuiisapo orutjiva roporotika nokusembamisa otjihungiriro tjtjingi tjovira mu ma tu hungama ovakazendu mberi mondjuwo yozoveta namo tjiwaŋa.” Matja otjiwaŋa tjina ovingi okuyandja kutja omo kuyandja ondjerera mokuŋa hapo ozoveta peke peke zeŋuna vi kovakazendu.

Okuza kongutukiro, otutu tutuhawire kehi yohoromende tuakara norupa mokuyandja ondjerera mokuŋa omapu yondekasaneno momiano peke peke. Tjinene, otjisanekero katjisupi tjoŋiungura

viato mokunjomona omakarero mo norupa wovakazendu moporotika yari otjiungura tjtjakara no Women Leadership Centre (WLC) morukosi ruayo “Ovakazendu Okuningira Oukuatera” komurungu womatoorero wo 2009. Munao movitjitia vio WLC imbi muari “okutiasana novimbumba vio vakazendu notutu tutuhawire kehi yohoromende, omaunguriro nomahavarisiro wOmatjangua wOkuhungirira ondekasaneno, ombongarero ohonge yomahupikire wovahupike votjiwaŋa, otupare tOtjihungiriro tOvakazendu kuna Ovira Vioporotika, ozombongarero zotjiwaŋa nomahavarisiro womatjangua, no ndjivisiro novitjitia mozombuze.

Momatjangua worukosi ruayo, o WLC yaningira ovakazendu va Namibia okukondja kutja ovavarekua notjira tjiyandja ko eraka “veriyandjera ko kuŋuna omapu ngeŋuna kovakazendu novanatje ovakazona”, no ku ningira kutja ovira avihe vioporotika vituemomaunguriro omihunga viondekasaneno nozonđuvasaneno o Namibia kuratuako omunue kembo (tjinene Omuhunga wa Namibia Wotjiwaŋa Wondekasaneno, CEDAW, Ondongamo ya Beijing yOndjito, Onđuvasaneno yo AU yOmausemba wOvakazendu mo Africa Nonđuvasaneno yo SADC yOndekasaneno Nomekurisiro). “Vakazendu va Namibia! Amunambirahi eraka reŋu momatoorero wa Tjikukutu,” ondari embo rotjikoro rorukosi indui.

Nokuningira ovira vioporotika okuvara omasa wovakazendu wokutoorera, orukosi rua ningira oviŋa hambomburi otjipaturure okukahurura otuhepo tuovakazendu va Namibia. Oyo owonga:

- Oukutuke kotjitandi nombangu,
- Oukutuke kovitjitia nozongamburiro zombazu ozoihamise,
- Oukutuke kondjara nousiona,
- Oukutuke komitjise omitjururua noku vaza komapangero wondengu ku avehe,
- Okuvaza kozomburo noviungurisiwa viarue,
- Oukutuke kEhinga Nondui yEhinga, no
- Okuvaza komahongero wondengu nomahupikiro.

O WLC yaraisa kutja okutuungira movitjitia viayo otjorupa rorukosi ruo 2009, otjiungura tjayo tjayenena okukara novihape momiano omingi. Marutja, otjotjisanekero, nomatiasaneno kunovimbumba vio vakazendu notutu tutuhawire kehi yohoromende, o WLC yayenena okuyandjera omakarero mo norupa wotutu peke peke novira avihe vioporotika mokuyarikira ondekasaneno, naimunu epango romasa mokumema omihunga. Komurungu, o WLC yayeta omapu wovakazendu nondekasaneno kondjerera motjihungiriro ongondoroka nomatoorero; aiyerurura omapatururiro womeho womausemba wovakazendu okukatuka omikoka vio tukondua, otjivara, oumuhoko, otjiwondo, ongorongova nomikoka viarue; yahungama ovira vioporotika mokuhina okutua momaunguriro ozoveta nomihunga viondekasaneno; ainjomona omayandjero wombango onene komausemba wovakazendu notuhepo nozondere zovakazendu; naiyandja omasa keraka rovakazendu mouye mumuhonaparera ovarumendu motjitamba tjomatoorero. Orukosi indui wina

ruatjita kutja pekare ongononono iyovatjiwe mondekasaneno motutuu tuomatorero tovira vioporotika, nu wina ruakara notjiungura otjinene okuhonga ovira vioporotika noviwaŋa omapu wondekasaneno.

Mo 2001, o Namibian Women's Manifesto Network (Orutu rua Namibia Rotutuu Tuomatorero) tjingetjo rua kara nohamburakana yotjivara kotjihungiriro tjondekasaneno oro puna o Legal Assistance Centre (LAC) tjirua pitisa omatjangua omakahurure womuano womakuramenenupe wo 50/50 motjitamba tja Namibia tjoporotika.

Omatjangua inga yayandja kaatjondumba yozondunge zondanaukiro pondondo yongomaiinde, orukondua notjiwaŋa; aihitisa Ombungurua Veta yo 50/50; airaisa omarundurukiro wotjivaro tjoharive ngaserue okuyetua kutja o Namibia riyenene okuvaza kozoperesende o 50 zovakuramenepo vovakazendu otja tji peningirua mOndongamo ya Beijing yOvakazendu oruveze indo. Ombungurua Veta indji ohapo iyandjera "omaŋekiro wapamue wovakazendu novarumendu mOmbongarero yOtjiwaŋa, Otjirata Tjotjiwaŋa, ovirata viotukondua novirata viozongomaiinde; iningira kutja omatorero ayehe yoruyaveze kovirata viongomaiinde mayekayendisiwa nomuano imbui wo rutuu rotjira nomazeva ngumayetja ovakazendu novarumendu motutuu itui vasere okukara notjivarero tjitji hina kuhivasana; okurundurura Oveta yOvirata Viotukondua yo 1992, Oveta yOmauhonapare wOngomaiinde yo 1992 nOveta yOmatooore yo 1992 navina viarue mbiatjama.

Mo 2003 o Women's Campaign International (Orukosi Rovakazendu Rouye) ruatara komaungururo wa Namibia momapu wondekasaneno otjomuano wokuurika nokutuapo ovitjitia viovakazendu moporotika.

Otjiwaŋa katjiyakara nomaungururo omawa mokuungurisa ovirata viotukondua nozongomaiinde mokuvaza kondjuwo yozoveta poo okuundurira omapu komurungu motjiwaŋa. Ovitjitia vio kuhungirira kondekasaneno okuhungama ouŋepo wondjuwo yozoveta viakara po posi aruhe kaviripurirua nawa, nomiano vio kuvitua momaungururo aruhe kavikutua komapu. Munao, okutjiwa onŋono kapakahuke. Otukosi tjimuna ihi tuo 50/50 tutua kayendisiwa iyo Women's Manifesto Network kanaa tuakara nonŋono mokutja tua yeta po ozoveta.

Okuweza kuimbi kombanda imba, otutu tutihawire kehi yohoromende tuotjivarero tjoharive tuakara norupa orunahepero mokukuna ombango momapu wovakazendu, nu matuyenene okukawondja komurungu okuyandja ohamburakana koku paturura omeho nokurundurura oporotika mo Namibia kondekasaneno. Motutu itui muna o Sister Namibia Collective, O Namibia National Women's Organisation, o Legal Assistance Centre, Namibia Men for Change, Namibia National Association for Women in Business, Women's Action for Development no NANGOF.

Orupa ndumaruya maruyandja ozondunge zoharive komayenisiro wondekasaneno nomakuramenenupe wovakazendu moporotika, nokutunduza ondanaukiro mondekasaneno aiharire otjivarero uriri.

Ozondunge

Otjitate tja Namibia tjonduvasaneno yo SADC yOndekasaneno tjiyandja omikambo ominahepero o Namibia mbirasere okutoora otjikando tjamatjiyende mokuyeneneka ondekasaneno okukavaza ko 2015. Muviarue, Otjitarero ihi matjiyandja ozondunge inda:

- Penohero okuhungirira komayandjero womasa kuiimba mbaserue kombunda okuyerurura omakarero mo norupa wovakazendu pozondondo zarue zomananeno pendje nondondo yongomaiinde.
- Penohero komuano womasawokuzuvakisa okukondja omayakururo wombungurua veta yo 50/50 okuyerurura omakarero mo norupa wovakazendu movito viozondiero zoporotika pondondo yotjiwaŋa.
- Penohero yokuhonga ovira vioporotika kutja vitungurure ondekasaneno pupayenene nunawa movito avihe viovira nomihunga.
- Penohero okukara nomahongerero wovatoore kutja yenene okuuta okutoora ovakazendu.
- Ovira viasere okukondja kutja ovihungiriro komapu wondunino yotjiwana nongorongova tjimuna ouveruke, owini wehi, omanjikorero wotutumbo novikunua, ovinenge viokuti nozondendera nomihunga vio ngorongova nomekurisiro vinokunatja nondekasaneno.
- Omahupikiro wovakazendu mbumavezeri okurira ovavarekua kutja vehare ongambururo muwo oveni yokuhita moporotika.

Okuiisira komahungi nongononono ndjatjiturua omatjangua inga, ozondunge ozoweziwa mazeyenene okuyandja mokupapareka otjitamba tja Namibia tjomananeno momuano mbuhina okuyandera pokuvara ovivarero uriri nunguari mbumayeta owatjiri komayandjero womasa.

Omatungururo womatorero nomuano wongoro yokuti

Omuano omuwa muwa wokuyeta ozondanaukiro ozonungua ozongarere ndeheri za kaseru seru momakuramenenupe mo Namibia, omo ma tungururo woveta ndjimaitie ovira kutja vikare nomakuramenenupe omaŋeke mena rokutja ovira ootutu tutuurisa ohoromende novivarero vioporotika. Ihi matjiyenene okutuwa momaugururo momaungurisiro wotjivarero tjoharive poo nomuano wongoro yokuti. Munao ozondunge ndayandja iyOkomusara Ondungurure yOzoveta morapota ya Töttemeyer, nawina Ombungurua Veta yo 50/50 ndjayandja iyo Namibian Women's Manifesto Network kwasere okuripurirua nokuhina enyando. Ohepero kutja ovira vioporotika peke peke, tjinene o

Swapo, ikare nokuhina enyando nozongondjero ndumazetanaura otutuu tuavio.

Omakutiro womitanda

Ovandu peke peke mbapuriwa vayendekera ouheña wovakazendu omitanda mo Namibia mbezera omberoo yoporotika. Nandarire kutja Ondjuwo yOzoveta yOvanatje novitjitua viarue viatanderua omitanda mbiri momahongero, kapena ongongorerasano okukondja kutja ovakazendu omitanda vetare koporotika otjomuhunga. Mokutara mepu indi, ohepero ohoromende oku kondja kutja pekare oviraisiro novitjitua viomuhunga mbimavipe omitanda ondjiviro ohunga yomivero peke peke mbiripo muma viyene okuhitira mo momananeno. Komurungu, mena rokutja omberoo yoporotika pondondo youhonapare wongomainde, yorukondua no yo Tjirata Tjotjiwana nOmbongarero yOtiwana, potuingi itafera kokurira okanepo kotjira nu/poo okuutira motjira, otjeri ohepero tjinene kutja otutu tuomitanda tuovira viporotika peke peke viraise ovitjitua viotjiwana viondekasaneno.

Okututumuna Orutu Rondjuwo yOzoveta rOtjihungiriro Tjovakazendu

Ohepero yOrutu Rondjuwo yOzoveta rOtjihungiriro Tjovakazendu katjina tjtjasere okururumua. Orutu indui maru kayenda ondjira onde okuworonganisa ounepo wondjuwo yozoveta wovira peke peke, okukondja kutja eraka raro rihare omasa okutara komapu omanahepero ko vakazendu va Namibia. Omboromganisiro yotjtjitua ihi maiyerurura owatjiri wongurameno yovakazendu momapu karive (mbiheri kutja omapu yovakazendu porue), nu mayeyandjere ovakazendu okukutisa eraka rawo tjovakazendu va Namibia nondando ongahuke komapu wotjiwana, kukuheri porue otjoupepo wovira vioporotika. Otjovengi mbapurua tjivaheya, orutu rotjihungiriro indui ruaserue okututumunua ohakahana, novitjitua oviwa viwa maviyenene okumunikua okuza kotjiungura tjimatjiungurua iyorutu indui rOtiyata Tjotjiwana.

Orupa rotutu tuotjiwana

Otutu tuotjiwana tuovakazendu tunorupa orunahepero mokutjivisa, okutarera, okuhupika, na nao ongondoroka nomapu ngatjama kondekasaneno, nohepero kutja atu hakambura otjiungura ihi otjenjando kutja tukare novihape ovimunikua. Orukosi tjimuna indui “Ovakazendu Mavingire Oukuatera” katusere okurira orupa rotjihungiriro tjotjiwana uriri posi nokuhina okuporera tuasere okurira orupa rotjihungiriro tjondekasaneno nomayandjero womasa kovakazendu mo Namibia. Komurungu, otutu itui matuyenene okukara norupa orunahepero mokuurika omapu omanahepero tjinene, na mo ku tjivisa nokuyauza ovitjitua vio rutu rotjihungiriro tjovakazendu tjondjuwo yozoveta kutja ruyenene oku kara neraka morutuu rotjihungiriro rotjiwana. Wina maviyenene oku kara norupa orunahepero kozongondjero zokupaturura omeho woupepo wondjuwo yozoveta notutu tuarue tuomananeno kondekasaneno.

Ouheña wondjiviro yokuungura

Otjihungiriro otjingi ongondoroka nokuyandja omasa kovakazendu kutja vekare norupa orunene movito viounane momananeno ruakutua kunomambo ngetja owo kavena ondjiviro yokuungura noutjiwe mbuayena koviṭo imbi. Ngunda ovakazendu oure wozombura avekara avayekua eraka, nomahupikiro inga ayeri ohepero tjinene, owatjiri okoo kutja ovarumendu nawina ovakazendu mbumavehiti moporotika vehapa omahupikiro okutjita kutja omerizirira wawo kotjiwana maveyeezu okuura moupapi nouparanga wawo, okuvepangiṭa nondjiviro ndjapuire yomananeno wa Namibia nawina omaheo wouyara, nokuvehonga okutuapo oukahu omapu yotjiwana nozongendo pozondongamo peke peke, imue yazo ondjivo yozoveta, ozonganda zozombuze nako tjiwana atjihe mouparanga watjo. Okukondja ouyara ombungure yovanane mbumavetjiwa otjiungura tjavo, ohepero kutja tjikueya komahupikiro tjirire otjiungura otjiputupu.

Ovinenge peke peke okutanana ondekasaneno

E Artikeri 23 (2) yOngundeveṭa ya Namibia iyandja omasa kondjuwo yozoveta okutoora omihunga noveta yomayandjero womasa kumbaseerue kombunda ndumaze “tunduza ovandu mo Namibia monḍunino yotjiwana, mongorongova poo momahongero mbahendekerue iyozoveta novitjitua viorukapita veze, poo amatuiro momaunguriro womihunga novitjitua zondando zokuṭuna ohendi monḍunino yotjiwana, ongorongova nomahongero motjiwana tja Namibia ndjaza mozoveta nomihunga viorukapita veze viombangu, okutuapo otutu tumatuyeta ombamba moviungura vioromende, oporise, orupa rondjururiro norupa ruo tjovakamburua.” Ngunda ondekasaneno aeri ourizemburuka ouhepero mombii indji, wina ohepero okuzemburuka ovinenge peke peke mo Namibia mbimavitanana ourumendu noukazendu, noku kara notjiungura otjiparanga okukondja kutja ovinenge peke peke via Namibia imbi viazemburukua (tjimuna okuraisa ovinege peke peke imbi momasorero, oumuhoko na mourizemburuka, na nao.)

Oruveze rokutjita onai!

Momatoororero ngumaiya mu Tjikukutu mo 2014, ndoovazu o Namibia mariso okuyeneneka amatuiro momaunguriro wOnduvasaneno yo SADC yOndekasaneno nOmekurisiro okuvaza kombura indji o 2015, oruveze rokusekamena ozondunge ndaraisiwa komurungu imba- tjinene nene ohunga nomatungururiro woveta nomatuiro momaunguriro wotjivarero tjoharive nomuano wongoro yokuti- onai.

Omapuriro

Ovandu imba vapurua omapuriro mokutjanga amatjangua inga:

Ben Ulenga,

Okaṅepo kOndjuwo yOzoveta, Congres of Democrats

Clara Gowases

Okaṅepo kOndjuwo yOzoveta, Republican Party

Ignatius Shixwameni

Okaṅepo kOndjuwo yOzoveta, All Peoples Party

Margaret Mensah-Williams
 Okaḽepo kOndjuwo yOzoveta, Omuhaamise wOkehi
 wOtjirata Tjotjiwaḽa
 McHenry Venaḽi
 DTA
 Rosalia Nghidinwa

O Ministera yOnḽekasaneno nOmbuiro yOmuatje
 Selma Shilongo
 Rally for Democracy and Progress
 Veronica de Klerk
 Women's Action for Development

OHUNGA NOMUTJANGE

Nangula-Shejavali omukonḽonone wo IPPR nu wina omutjiwe omurikuramene momahakaeneno nongonḽononeno. Eye wakonḽonona oviḽa peke peke tjinene mbiakutua kotutu poo komekurisiro wotjiwaḽa.

Po IPPR, mozungonḽononeno inda muari omapu tjimuna Omayandjero wOmasa mOmbuiko kOvazoozu, omekurisiro wozongetjefa ozonditi nozopokati, okutara komaneno wouyara nomatungururo woveta yomatoororero. Nai eye una omerizirira wokutjanga noku nokusembamisa omatjangua wo IPPR ngekongorera omatoororero ngetjiukua otjo Election Watch nu wina uvatera okuworonganisa otjiungura tjorapota youyara. Eye una omahongero pondondo yomahongero wokombanda mOvitjitua Viouye Novirihongua via Africa okuza konganda yomahongere yokombanda indji o Lafayette mOmahi Omakutasane wa America ngamana mo 2006 nawina omahongero wondondo yokombanda warue mOkunana Omarandisiro Kouye okuza konganda yomahongero wokombanda yOmahi Ngewira Kehi yOtjikorone tjehe rOvaingirisa ya Virginia, ngamana mo 2012 mOmahi Omakutasane wa America.

OHUNGA NORAPOTA YOUYARA

Orapota yOuyara otjiungura tjo IPPR tji tji kahurura nokuhandjaura ondjivisiro ohunga notjiungura tjomaunguriro woveta tjOndjuwo yOzoveta ya Namibia. Otjiungura ihi tjitanda okunjomona omakarero mo norupa wotjiwaḽa movihungiriro ohunga novitjitua via Ndjwo yOzoveta nokupitisa omakahururiro wozoveta nomapu yarue okuza koruveze ngaa koruveze mOmbongarero yOtjiwaḽa na mo Tjirata tjo Tjiwaḽa.

OHUNGA NO IPPR

Orutu rOngonḽononeno Momuhunga wOtjiwaḽa (Institute for Public Policy Research) ousupi o IPPR, orutu nduhaungurire otjimariva nu rondando yokupitisa ongonḽononeno orikuramene posi onduge moviḽenge via nḽunino yotjiwaḽa, oporitika nongorongova mbiatjama nomekurisiro wa Namibia. O IPPR yazikamisiwa nongamburi yokutja omekurisiro mayeyenene okunjomonua nawa okutuurungira momatiasaneno omakutuke nomanatueho ngumayezikamene kongonḽononeno yomuzura.



© IPPR 2013

Incorporated Association Not for Gain Registration Number 21/2000/468

Directors: M M C Koep, D Motinga, W Lindeke, N Nghipondoka-Robiati, A du Pisani, G Hopwood (ex-officio)
 14 Nachtigal Street · PO Box 6566, Aussspannplatz, Windhoek, Namibia · Tel: +264 61 240514 · Fax +264 61 240516
economist@ippr.org.na · www.ippr.org.na

Democracy Report is a regular publication featuring analysis and commentary relating to the legislative agenda of the Parliament of the Republic of Namibia. It is produced by the Institute for Public Policy Research (IPPR), PO Box 6566, Windhoek, Namibia. Tel: +264 61 240514, Fax: +264 61 240516, info@ippr.org.na. The publication is also available as a PDF download from <http://www.ippr.org.na>. Democracy Report is funded by the Embassy of Finland.

